

春秋四傳


五冊


一	二	三	四	漢書門
冊	架	函	號	類

三	四	漢
五	二	書
函	七	
一	四	
五	冊	
架	號	類

內閣文庫	
番號	漢 4274
冊數	10 (5)
函號	275 37

文元年至
宣十一年





春秋四傳卷之十七

文公一

公名興僖公子母聲姜夫人出姜在位十八年謚法慈惠愛民

文曰

周魯文公八年襄王崩子頃王立
文十四年頃王崩子匡王立

鄭詳見僖
公元年

齊魯文公十四年昭公卒子舍立九月舍弒懿公商人立文十八年懿公弒惠公元立

宋魯文公七年成公卒昭公杵臼立
文十六年昭公弒弟文公鮑立

晉襄公繼霸魯文公六年襄公卒
子靈公夷臯立是年趙盾為政

衛詳見僖
公元年

蔡魯文公十五年莊公卒子文公申立

曹魯文公九年共公卒子文公壽立

滕潮朝音詳見隱公元年魯文公十二年滕昭公來朝

陳魯文公十三年共公卒子靈公平國立

杞詳見僖公元年

薛詳見隱公元年及僖公元年

莒魯文公十八年莒太子僕弑紀公庶其子季佗立

邾魯文公十三年邾文公卒子定公纘且立

許魯文公五年僖公卒昭公錫我立

小邾詳見僖公元年

楚魯文公元年冬成王遇弑子穆王商臣立文十年次于厥貉文十三年穆王卒子莊王立○楚莊主爭霸

秦秦用孟明以為政魯文公二年秦伯伐晉濟河焚舟遂霸西戎史記穆公三十七年

益國十二開地千里天子使召公過賀穆公以金鼓文六年穆公卒子康公瑩立文

十八年康公卒子共公稻立

吳詳見隱公元年

越詳見隱公元年

乙未襄王二十六年元年晉襄王二年齊昭七年衛成九年蔡莊二十年鄭穆二年曹

春秋左傳卷二十一

士廉

黃周賢刊

共二十七年陳共六年杞桓十一年宋成
十一年秦穆三十四年楚成四十六年
春

王正月公即位

胡傳

即位者告廟臨羣臣也國君嗣世定

緣始終之義一年不二年君緣民臣之心不
可曠年無君按書載舜禹受終傳位之事
在舜則曰日月正元日格於文祖在禹則曰
正月朔旦受命于神宗率百官若帝之初
夫于文祖神宗則告廟也率百官若帝之初
初則臨羣臣也自古通葬三年其以凶服
則不可入宗廟其以吉服則斬焉在衰經
之中不可既成而又易之也如之何而可
子張問於孔子高宗諒陰三年不言何謂
也子曰何必高宗古之人皆然君薨百官
總己以聽於冢宰三年則告廟臨羣臣固
有攝行之禮矣按周書稱太甲元年伊尹

夫音 扶音 衰十 雷反

現見音

祠于先王則攝而告廟之證也百官總己
以聽冢宰則攝而臨羣臣之證也其曰祗
見厥祖者言伊尹以奉嗣王之事祗見太
甲之祖也至三祀十有二月伊尹以冕服
奉嗣王則免喪從吉之證也然顧命康誥
記成王之崩其君臣皆冕服何也當是時
成王方崩就殯猶未成服故用麻冕黼裳
入受顧命已受命誥諸侯而後釋冕反喪
服者於是成服而宅憂也或以為
康王釋服離次而即吉則誤矣

二月癸亥日有食之

天王使叔服

相去 聲見 形旬 反食 音嗣 難乃 多反

來會葬 左傳春王使內史叔服來會葬公孫
曰穀也食子難也收子穀也豐下必有後於
魯國公羊傳其言來會葬何會葬禮也穀深
傳葬曰會其志
重天子之禮也

春秋公羊傳卷三

士廉

胡傳 凡崩薨卒葬人道始終之大變也不

害於王法之甚者聖人則有削而不存以示義者矣

附錄 左傳於是閏三月非禮也先王之正

履端於始序則無愆舉正於中歸餘於終

夏四月丁巳葬我君僖公 穀梁傳薨稱公舉

下也僖公葬而後舉謚謚所以成德也於卒事乎加之矣 天王使毛伯來

錫公命 公羊傳錫者何賜也命者何加我服

非正也

胡傳 諸侯終喪入見則有錫歲時來朝則

因其終喪入見而錫之者也禮所謂喪畢

以士服見天子已見賜之黻冕圭璧然後

歸是已車馬衮黼因其歲時來朝而錫之

者也詩所謂君子來朝何錫予之雖無子

之路車乘馬又何予之玄衮及黼是已彤

弓茲矢因其敵愾獻功而錫之者也詩所

謂彤弓昭弓受言藏之我有嘉賓中心貺

之鐘鼓既設一朝享之是已今文公繼世

喪制未畢非初見繼朝而獻功也何為來

錫命乎故穀梁子曰禮有受命無來錫命

來錫命 非正也

晉侯伐衛 左傳晉文公之季年諸侯朝晉衛

匡晉襄公既祥使告于諸侯而伐衛及南陽

先且居曰效尤禍也請君朝王臣從師晉侯

朝王于温先且居胥臣伐衛五月辛酉叔

朔晉師圍戚六月戊戌取之獲孫昭子

訾子 斯反 且反 餘反

予音 與乘 夫聲 彤音 同茲 超音 韶音 音盧

見創音 現音 胡音 胡音 胡音

春秋左傳卷三十一

日

七廉

共平聲

孫得臣如京師

左傳王使毛伯衛來錫

○衛

人伐晉

左傳衛人使告于陳陳共公曰更伐我辭之衛孔達帥師伐晉君子以

為古古者

○秋公孫敖會晉侯于戚

此大夫專會諸

越國而謀

○冬十月丁未楚世

子商臣弒其君頹

頹俱倫反公穀作髡左傳初楚子將以商臣為大子

秦大音

少去聲

羊音

未音

訪諸令尹子上子上曰君之齒未也而又多愛黜乃亂也楚國之舉恒在少者且是人也

立王而職而黜大人不可立也弗聽既又欲告其師潘崇曰若之何而察之潘崇曰享江

羊而勿敬也從之江芊怒曰呼役夫宜君王之欲殺女而立職也告潘崇曰信矣潘崇曰

能事諸乎曰不能能行乎曰不能能行大事

平曰能冬十月以宮甲圍成王王請食熊蹯而死弗聽丁未王縊謚之曰靈不瞑曰成乃

瞑穆王立以其為大子之室與潘崇使為大

師且掌環列之尹穀梁傳曰髡之卒所以謹

商臣之弒也夷狄不言正不正

胡傳書世子弒君者有父之親有君之尊

駭春秋詳書其事欲以起問者察所由示懲誠也唐世子弘受左氏春秋至此廢書

嘆曰經籍聖人垂訓何書此耶郭瑜對曰春秋義存褒貶以善惡為勸戒故商臣千

載而惡名不滅弘曰非惟口不可道故亦耳不忍聞願受他書瑜請讀禮世子從之

嗚呼聖人大訓不明於後世皆腐儒學經不知其義者之罪耳夫亂臣賊子雖陷

在前斧鉞加於頸而不避顧謂身後惡名足以係其邪志而懲於為惡豈不謬哉持

扶夫音

塞則先
去反先

同憐棟

傳去
聲斷去
丁亂去
反長去

少去聲
上聲
鮮上
忍之
上聲
音上

此曉人可謂茅塞其心意矣若語之曰為人君父而不通於春秋之義者必蒙首惡之名為人臣子而不通於春秋之義者必陷篡弒誅死之罪聖人書此者使天下後世察於人倫知所以為君臣父子之道而免於首惡之名誅死之罪也則世子弘而聞此必將懼然畏懼知春秋之義不至於不學矣學於春秋必明臣子之義不至於奏請佛吉而見醜矣傳者案也經者斷也考於傳之所載可以見其所由致之漸豈隱乎嫡妾必正而楚子多愛立子必長而楚國之舉常在少者養世子不可不慎也而以潘崇為之師侍膳問安世子職也而多置宮甲降而不憾憾而能珍者鮮矣乃欲黜兄而立其弟謀及婦人宜其敗也而使江芊知其情是以不仁處其身而以不孝處其子也其及宜矣楚頹儻王憑陵中國戰勝諸侯毒被天下然昧於君臣父子之道

禍發蕭牆而不之覺也不善之積豈可揜哉君不君則臣不臣父不父則子不子春秋書世子弒其君者推本所由而著其首惡為萬世之大戒也然則商臣無貶矣曰弒父與君之賊其惡猶待於貶而後著乎

公孫敖如齊

左傳穆伯如齊始聘焉禮也凡君即位卿出並聘踐脩舊好要

結外援好事鄰國以衛社稷忠信卑讓之道也忠德之正也信德之固也卑讓德之基也

附錄

左傳殺之役晉人既歸秦帥秦大夫及左右皆言於秦伯曰是敗也孟明

之罪也必殺之秦伯曰是孤之罪也周芮良夫之詩曰大風有隧貪人敗類聽言則對誦言如醉匪用其良覆俾我悖是貪故也孤之謂矣孤實貪以禍夫子夫子何罪復使為政

好去聲
平聲
音遂
又復反
反扶

丙襄王二十二年晉襄三齊昭八衛成十蔡莊

申十七年二二年二十一一鄭穆三曹共二十八

陳共七杞桓十二宋成十二年秦春王二月甲

穆三十五楚穆王商臣元年

子晉侯及秦師戰于彭衙秦師敗績左傳春

視帥師伐晉以報殺之役二月晉侯禦之先

且居將中軍趙衰佐之王官無地御戎狐鞫

居為右甲子及秦師戰于彭衙秦師敗績晉

人謂秦拜賜之師戰於般也晉梁弘御戎萊

駒為右戰之明日晉襄公縛秦囚使萊駒以

戈斬之囚呼萊駒失戈狼曠取戈以斬囚禽

之以從公乘遂以為右箕之役先軫黜之而

立續簡伯狼曠怒其友曰盍死之曠曰吾未

獲死所其友曰吾與女為難曠曰周志有之

勇則害上不登於明堂死而不義非勇也共

謂上謂勇吾以勇求右無勇而黜亦其所也

彭衙既陳以其屬馳秦師死焉晉師從之大

敗秦師君子謂狼曠於是乎君子詩曰君子

如怒亂庶湫沮又曰王赫斯怒爰整其旅怒

不作亂而以從師可謂君子矣秦伯猶用孟

明孟明增脩國政重施於民趙成子言於諸

大夫曰秦師又至將必辟之懼而增德不可

當也詩曰毋念爾祖聿脩厥德孟

明念之矣念德不怠其可敵乎

且聲將平 去聲初聲 危反 秦初聲 呼聲 曠去 乘音 聲去 難音 難去 平聲 共聲

道專反 沮在反 呂反 施去 音避 聲辟

扶夫音

處上 聲去 遠去

胡傳 戰而言及者主乎是戰者也夫敵加

小故不忍忿怒者謂之忿兵按左氏秦孟

明帥師伐晉報殺之役此所謂忿兵疑罪

之道遠怨之方也然則敵加於已縱其侵

暴將不得應乎曰敵加於已而已有罪焉

引咎責躬服其罪則可矣已則無罪而不

義見加論之以辭命猶不得免焉亦告於

天子方伯可也若遽然興師而與戰是謂

劉祐

以桀攻桀何愈乎故以晉侯為主者處已息爭之道寡怨之方王者之事也

丁丑作僖公主

左傳書不特也公羊傳作僖

聲為去

怪壞音

者曷用虞主用桑練主用栗者藏主也作僖公主何以書譏何譏爾不特也其不特奈何欲久喪而後不能也穀梁傳作為也為僖公主也立主喪主於虞吉主於練作僖公主譏其後也作主壞廟有時日於練焉壞廟壞廟之道易檐可也改塗可也

胡傳

胡傳作主者造木主也既葬而反虞虞主藏主也何以書僖公薨至是十有五月然後作主慢而不敬甚矣夫慢而不敬積惡之原也以為無傷而不去至於惡積而不可揜所以謹之也

扶夫音

三月乙巳及晉處父盟

三月乙巳及晉處父盟

因朝而盟始此左傳

厭於

甲反

聲為去

公如晉夏四月己巳晉人使陽處父盟公以恥之書曰及晉處父盟以厭之也適晉不書諱之也公羊傳此晉陽處父也何以不氏諱與大夫盟也穀梁傳不言公處父仇也為公諱也何以知其與公盟以其日也何以不言公之如晉所恥也出不書反不致也

胡傳

胡傳及處父盟者公也其不地於晉也諱敵正君臣之分也適晉不書反國不致為公諱恥存臣子之禮也凡此類筆削魯史之舊文

聲並分去

衆矣

夏六月公孫敖會宋公陳侯鄭伯晉士穀盟

于垂隴

穀戶木反穀作穀垂隴公穀作垂歛

聲為去

司空士穀盟于垂隴晉討衛故也書士穀堪其事也陳侯為衛請成于晉執孔達以說穀

梁傳內大夫可 ○自十有二月不雨至于秋

七月亦旱也曷為以異書記異也大旱之日短而云

災故以災書此不雨之日長而無災故以異

書也穀梁傳歷時而言不雨文不憂雨也不

志乎民也

胡傳書不雨至于秋七月而不雨則至干秋

之辭非文公之意也夫書不雨至于秋七

月而止即八月嘗雨矣然而不書八月雨

者見文公之無意於雨不以民事繫憂樂

也其怠於政事可知而魯衰自此始矣

八月丁卯大事于大廟躋僖公

左傳逆祀也

忌為宗伯尊僖公且明見曰吾見新鬼大故

鬼小先大後小順也躋聖賢明也明順禮也

君子以為失禮禮無不順祀國之大事也而

逆之可謂禮乎子雖齊聖不先父食父矣故

禹不先鯀湯不先契文武不先不窋宋祖帝

乙鄭祖厲王猶上祖也是以魯頌曰春秋匪

謂享祀不忒皇皇后帝皇祖后稷君子曰禮

伯姊君子曰禮謂其姊親而先姑也仲尼曰

臧文仲其不仁者三不知者三下展禽廢六

先息 薦反 下同 蘇音 哀契 息列 反律 知律 反解 佳賈 反知 去聲

夫音 扶音 見音 現音 音洛

曰文無天無天者是無天而行也君

胡傳

有事者時祭大事裕也合群廟之主

大音 泰分 去聲 先下 同聲

夫音 扶 夫音

傳去 聲

且子 發反

公親則兄弟分則君臣以爲逆祀者兄弟
之不先君臣禮也君子不以親親害尊
故左氏則曰祀國之大事而逆之可乎子
雖齊聖不先父食久矣公羊則曰其逆祀
先禰而後祖也穀梁則曰逆祀則無昭
穆也無昭穆則無祖也閔僖非祖禰而
謂之祖禰者何臣子一例也夫有天下者
事七世諸侯五世說禮者曰世指父子非
兄弟也然三傳同以閔公爲祖而臣子一
例是以僖公父視閔公爲禮而父死子繼
兄亡弟及名號雖
不同其爲世一矣

冬晉人宋人陳人鄭人伐秦

左傳冬晉先且居宋公子成陳

報彭衙之役

卿不書爲穆公故尊秦也謂之

崇德

胡傳

按左氏四國伐秦報彭衙之役則皆

又復扶

師在常情亦可以已矣而復興此役結怨
勤民是全不務德專欲力爭而報復之無
已也以致濟河焚舟
之師故特貶而稱人

公子遂如齊納幣

左傳襄仲如齊納幣禮也

好去 聲盛 平聲

娶元妃奉案盛孝也孝禮之始也公羊傳納
幣不書此何以書譏何譏爾譏喪娶也娶在
三年之外則何譏乎喪娶三年之內不圖婚
吉禘于莊公譏然則曷爲不於祭焉譏三年
之恩疾矣非虛加之也以人心爲皆有之
人心爲皆有之則曷爲獨於娶焉譏娶者大

劉晉

扶大音

吉也非常吉也其為吉者主於已以

胡傳

而婚姻常事不書其書納幣者喪未終

譏乎春秋論事莫重乎志志敬而節具與

之知禮志和而音雅與之知樂志哀而居

約與之知喪非虛加之也重志之謂也

此皆使人私欲不行閑邪復禮之意

襄王二十三年晉襄四齊昭九衛成十一蔡

九陳共八杞桓十三宋成春王正月叔孫得

臣會晉人宋人陳人衛人鄭人伐沈沈潰

大夫會諸大夫伐國自此始左傳春莊叔會

諸侯之師伐沈以其服於楚也沈潰凡民逃

其上曰潰在上曰逃

附錄

左傳衛侯如陳拜晉成也

夏五月王子虎卒左傳夏四月乙亥王叔文

公羊傳王子虎者何天子之大夫也外大夫

不卒此何以卒新使乎我也穀梁傳叔服也

此不卒者也何以卒之以其來會葬

我卒之也或曰以其嘗執重以守也

胡傳

王子虎不書爵譏之也天子內臣無

外交或曰禮稱情而為之節文者也

聲稱去

聲守去

聲使去

聲間去

聲將去

使去聲夫音扶下同惡去聲

叔服新使乎我則宜有恩禮矣仲尼脫驂於舊館雖卒叔服可也夫脫驂於舊館惡夫涕之無從而為之者非禮之經也天子內臣無外交而以新使乎我致恩禮焉是以私情害公義失輕重之權矣

秦人伐晉

左傳秦伯伐晉濟河焚舟取王官

尸而還遂霸西戎用孟明也君子是以知秦穆公之為君也舉人之周也與人之壹也孟明之臣也其不解也能懼思也子桑之忠也其知人也其能舉善也詩曰于以采芣于沼于汴于以用之公侯之事秦穆有焉夙夜匪解以事一人孟明有焉詒厥孫謀以燕翼于子桑有焉

胡傳

按左氏秦伯伐晉濟河焚舟封殺尸而還其稱人何也聖人作易以懲忿

解音下 幾平聲復 反扶又

室慾為損卦之象其辭曰損德之脩也春秋諸侯之知德者鮮矣穆公初聽杞子之請違蹇叔之言其名為貪兵是慾而不能窒也及敗於殽歸作秦誓庶幾能改將窒其慾矣復起彭衙之師報殺函之役其名為憤兵是忿而不能懲也今又濟河取郊人之稱斯師也何義哉晉人畏秦而不出穆公逞其忿而後悔自是見伐不報始能踐自誓之言矣是故於此貶而稱人備責之也

秋楚人圍江

左傳楚師圍江

○雨螽于宋

左傳隊而死也公羊傳雨螽者何死而墜也何以書記異也外異不書此何以書為王者之後記異也穀梁傳外災不志此何以志也曰災甚也其甚奈何茅茨盡矣著於上見於下謂○冬公如晉十有二月己巳公及晉侯

隊音 隊為去聲

樂音
洛下

召音
聖

盟

此書公如晉之始左傳晉人懼其無禮於公也請改盟公如晉及晉侯盟晉侯饗公

賦菁菁者莪莊叔以公降拜曰小國受命於大國敢不慎儀君賜之以大禮何樂如之抑

小國之樂大國之惠也晉侯降辭登成拜公賦嘉樂○晉陽處父帥師

伐楚以救江于公穀無以字左傳晉以江故告于周王叔桓公晉陽處父伐楚

以救江門于方城遇息公子朱而還公羊傳此伐楚也其言救江何為諉也其為諉奈何

伐楚為救江也穀梁傳此伐楚其言救江何也江遠楚近伐楚所以救江也

胡傳

楚嘗伐鄭矣齊桓公遠結江黃合九國之師於召陵然後伐鄭之謀罷又嘗圍宋矣晉文公許復曹衛會四國之師於濮

濮然後圍宋之役解今江國小而弱非能與宋鄭比楚人圍之必不待徹四境屯戍

聲處上
聲去

守禦之衆與宿衛盡行也當是時楚有覆載不容之罪晉主夏盟宜合諸侯聲罪致討命秦甲出武關齊以東兵略陳蔡而南

處父等兵方城之外楚必震恐而江圍自解矣計不出此乃獨遣一軍遠攻強國豈能濟乎故書伐楚以救江言救江雖善而

所以救之者非其道矣此春秋紀用兵之法也

襄王二十四年晉襄五齊昭十衛成十二蔡

陳共九杞桓十四宋成十四秦穆三十七楚穆三

春公至自晉

附錄左傳春晉人歸孔達于衛以為衛之良也故免之○夏衛侯如晉拜○曹

伯如晉會正

夏逆婦姜于齊

左傳卿不行非禮也君子是以知出姜之不允於魯也日

蔡迷

貴聘而賤逆之君而卑之立而廢之棄信而壞其主在國必亂在家必亡不允宜哉詩曰畏天之威于時保之敬主之謂也公羊傳其謂之逆婦姜于齊何略之也高子曰娶乎大夫者略之也穀梁傳其曰婦姜為其禮成乎齊也其逆者誰也親逆而稱婦或者公與何其速婦之也曰公也其不言公何也非成禮於齊也曰婦有姑之辭也其不言氏何也賤之也何為賤之也夫人與有賤也

胡傳

逆皆稱女以未成婦而女者在父母家之所稱也往逆而稱婦人國不書

至何哉此春秋誅意之效也禫制未終思念娶事是不志哀而居約矣方逆也而已成爲婦未至也而如在國中其意而誅之也不稱夫人姜氏者亦與有賤焉婦人不專行何以與有賤父母與有罪也文公不知敬其位儷違禮而行使國亂子弑齊

禫徒感友

與去同聲下

人不能鑒微知著冒禮而往使其女不允於魯皆失於不正其始之過也夫婦之際人倫之首禮不可不謹也故交賤之以爲後鑒

狄侵齊○秋楚人滅江

左傳楚人滅江秦伯爲之降服出次不舉

過數大夫諫公曰同盟滅雖不能救敢不矜乎吾自懼也君子曰詩云惟彼二國其政不獲惟此四國爰究爰左傳圍祁

○晉侯伐秦

左傳圍祁新城以報

王官之役

胡傳

晉人三敗秦師見報乃常情耳而穆公濟河焚舟則賤而稱人秦取王官

及郊未至結怨如晉師之甚也襄公又報之於常情過矣而得稱爵何也聖人以常情待晉襄而以王事責秦穆所以異乎襄公忘親背惠大敗秦師敗狄伐許怒魯侯

背音

晚祁願反

朝音 潮省 反悉井

之不朝也而以無禮施之是專尚威力先
事加人莫知省德而後動也今又報秦不
足罪矣穆公初敗於穀悔過自誓增脩德
政宜若過而知悔悔而能改又有濟河之
役則非誓言之意所以備責之也然晉襄
見伐而報猶無譏焉秦穆至是見伐而不
報善可知矣不譏晉侯所以深善秦伯春
秋大改過嘉釋怨王者之事也故仲尼定
書列秦誓於百篇之末以見悔過能
改而不責人雖聖賢誥命不越此矣

衛侯使甯俞來聘左傳衛甯武子來聘公與

為去 聲 辭 反 以 樂 音 朝 二 辭 又 不 答 賦 使 行 人 私 焉 對 曰 臣 以 為 肄 業 及 之 也 昔 諸 侯 朝 正 於 王 王 宴 樂 之 於 是 乎 賦 湛 露 則 天 子 當 陽 諸 侯 用 命 也 諸 侯 敵 王 所 懷 而 獻 其 功 王 於 是 乎 賜 之 彤 弓 一 彤 矢 百 茲 弓 矢 千 以 覺 報 宴 今 陪 臣 來 繼 舊 好 君 辱 賜 之 其 敢 下 大 禮 以 自 取 戾

○冬

若夫 音扶 分去 聲

夫禮 音扶 為去 聲 為如 字

十有一月壬寅夫人風氏薨左傳冬 成風薨

胡傳 風氏信公之母莊公妾也而稱夫人

稱之曰君夫人稱諸異邦曰寡小君蓋敵
體之稱也若夫妾媵則非敵矣其生亦以
夫人之名稱號之其沒亦以夫人之禮卒
葬之非所以正其分也以妾媵為夫人徒
欲尊寵其所愛而不虞卑其身以妾母為
夫人徒欲崇貴其所生而不虞賤其父卑
其身則失位賤其父則無本越禮至是不
亦悖乎夫禮庶子為君為其母無服不敢
貳尊者也春秋於成風記其卒葬各以
實書不為異辭者謹禮之所由變也

己巳 襄王三 五年 晉襄六 齊昭十 一衛成十 三 蔡莊二 十四鄭 穆六曹 共三

十一 陳共十 杞桓十 五宋成 春王正 月王使

十五 秦穆三 十八楚 穆四

祭叔歸舍且贈

舍戶暗反公羊傳舍者何口實也其言歸舍且贈何兼之

兼之非禮也

穀梁傳舍一事也贈一事也兼歸之非正也其曰且志兼也其不言來不周

早而舍已晚

事之用也贈以

胡傳

珠玉曰舍車馬曰贈歸舍且贈者厚禮妾母也不稱天王者弗克若天也

春秋繫王於天以定其名號者所履則天位也所治則天職也所勅而惇之者則天

之所叙也所自而庸之者則天之所秩也所賞所刑者則天之所命而天之所討也

夫婦人倫之本王法所尤謹者今成風以妾僭嫡王不能正又使大夫歸舍贈焉而

成之為夫人則王法廢人倫亂矣是謂弗克若天而悖其道非小失耳故特不稱天

以謹之也

三月辛亥葬我小君成風

公羊傳成風者何僖公之母也

胡傳

仲子雖聘非惠公之嫡也春秋之初尚以為疑故別為立官而羽數特異

此雖非禮之正然不祔于姑猶有辨焉至是成風書葬乃有二夫人祔廟而亂倫易

紀無復辨矣故禮之失自成風始也

王使召伯來會葬

召穀作毛左傳王使祭叔來舍且贈召昭公來會葬

禮也穀梁傳會葬之禮於鄙上

胡傳

王臣下聘桓公冢宰書名示貶而大夫再聘則無譏焉或以為從同同也

或以為同則書重也成風薨王使祭叔歸舍且贈既不稱天矣及使召伯來會葬又

與貶焉何也歸舍且贈施於妾母已稠疊矣又使卿來會葬恩數有加焉是將祔之

合去聲與去聲

復扶又反

於廟也而致禮於成風盡矣聘一也舍贈而又葬則其事益隆亂人倫廢王法甚矣再不稱天者聖人於此尤謹其戒而不敢略也

夏公孫敖如晉○秦人入郟音若左傳初郟叛楚即秦又貳

於楚夏秦○秋楚人滅六左傳六人叛楚即東夷秋楚成大心

仲歸帥師滅六冬楚公子燮滅蓼滅文仲聞六與蓼滅曰臯陶庭堅不祀忽諸德之不建

民之無○冬十月甲申許男業卒僖公也在位三十三年子錫我嗣是為昭公

是為昭公

附錄左傳晉陽處父聘于衛反過甯甯羸從之及温而還其妻問之羸曰以剛

商書曰沈漸剛克高明柔克夫子壹之其不没乎天為剛德猶不干時况在人乎且

聲去

華而不實怨之所聚也犯而聚怨不可以定身余懼不獲其利而離其難是以去之

子霍伯曰季皆卒

庚子襄王三十四年六年晉襄七卒齊昭十二衛成十

附錄左傳春晉蒐于夷舍二軍使狐射姑將中軍趙盾佐之陽處父至自温改

蒐于董易中軍陽子成季之屬也故黨於趙氏且謂趙盾能曰使能國之利也是以

上之宣子於是乎始為國政制事典正法罪辟獄刑董逋逃由質要治舊滂本秩禮

續常職出滯淹既成以授大傅陽子與大師賈佗使行諸晉國以為常法

夏季孫行父如陳左傳臧文仲以陳衛之睦也欲求好於陳夏季文子

聲去

大音

聲將

射入

成十六秦穆三十九杞桓十六宋

附錄

蒐于董易中軍陽子成季之屬也故黨於趙氏且謂趙盾能曰使能國之利也是以

上之宣子於是乎始為國政制事典正法罪辟獄刑董逋逃由質要治舊滂本秩禮

續常職出滯淹既成以授大傅陽子與大師賈佗使行諸晉國以為常法

夏季孫行父如陳左傳臧文仲以陳衛之睦也欲求好於陳夏季文子

聘于陳
且娶焉

附錄

左傳秦伯任好卒以子車氏之三子奄息仲行鍼虎為殉皆秦之良也國人哀之為之賦黃鳥君子曰秦穆之不為盟主也宜哉死而棄民先王違世猶詒之法而况奪之善人乎詩曰人之云亡邦國殄瘁無善人之謂若之何奪之古之王者知命之不長是以並建聖哲樹之風聲分之采物著之語言為之律度陳之藝極引之表儀予之法則告之典訓教之防利委之常秩道之以禮則使毋失其土宜眾隸賴之而後即命聖王同之今縱無法以遺後嗣而又收其良以死難以在上矣君子是以知秦之不復東征也

秋季孫行父如晉

左傳秋季文子將聘于晉使求遭喪之禮以行其人

任音 壬行 音枕 鍼其 廉反 為去 聲 分去 聲 予上 聲 遺去 聲 復扶 又反

日將焉用之文子曰備豫不虞古之善教也求而無之實難過求何害

八月

乙亥晉侯驩卒

驩喚官反公作謹左傳晉襄公卒靈公少晉人以難故欲立長君趙孟曰立公子雍好善而長先君愛之且近於秦秦舊好也置善則固事長則順立愛則孝結舊則安為難故欲立長君有

此四德者難必抒矣賈季曰不如立公子樂辰羸嬖於二君立其子民必安之趙孟曰辰羸賤班在九人其子何震之有且為二嬖淫也為先君子不能求大而無援將何安焉杜祁淫子辟無威陳小而遠無援將何安焉杜祁以君故讓偏姑而上之以狄故讓季隗而已次之故班在四先君是以愛其子而仕諸秦為亞卿焉秦大而近足以為援毋義子愛足以威民立之不亦可乎使先蔑士會如秦逆公子雍賈季亦使召公子樂于陳趙孟使殺諸邲

冬十月公子遂

難去 聲 長 聲 下 同 聲 好 去 聲 聲 為 去 聲 辟 音 下 音 僻 音 下 音 偏 音 姑 音 吉 音 邲 音 邲 音

邲音

劉甫

如晉葬晉襄公左傳襄仲如○晉殺其大夫

陽處父晉狐射姑出奔狄射殺作夜左傳賈

班也而知其無援於晉也九月賈季使續鞫

居殺陽處父書曰晉殺其大夫侵宮也十一

月丙寅晉殺續簡伯賈季奔狄宣子使史駢

送其帑夷之蒐賈季戮史駢史駢之人欲盡

殺賈氏以報焉史駢曰不可吾聞前志有之

曰敵惠敵怨不在後嗣忠之道也夫子禮於

賈季我以其寵報私怨無乃不可乎介人之

寵非勇也損怨益仇非知也以私害公非忠

也釋此三者何以事夫子盡具其帑與其器

用財賄親帥扞之送致諸竟公羊傳晉殺其

大夫陽處父則狐射姑曷為出奔射姑殺也

射姑殺則其稱國以殺何君漏言也其漏言

奈何君將使射姑將陽處父諫曰射姑民衆

不說不可使將於是廢將陽處父出射姑入

君謂射姑曰陽處父言曰射姑民衆不說不

可使將射姑怒出刺陽處父於朝而走殺梁

傳稱國以殺罪累上也襄公已葬其以累上

之辭言之何也君漏言也上泄則下聞下聞

女音

射音

姑將
之將
去聲
下同

知去
聲

君謂射姑曰陽處父言曰射姑民衆不說不
可使將射姑怒出刺陽處父於朝而走殺梁
傳稱國以殺罪累上也襄公已葬其以累上
之辭言之何也君漏言也上泄則下聞下聞
則上聾且聞且聾無以相通夜姑殺者也夜
姑之殺奈何曰晉將與狄戰使狐夜姑為將
軍趙盾佐之陽處父曰不可古者君之使臣
也使仁者佐賢者不使賢者佐仁者今趙盾
賢夜姑仁其不可乎襄公曰諾謂夜姑曰吾
始使盾佐女今女佐盾矣夜姑曰敬諾襄公
死處父主竟上事夜姑使人殺之君漏言也
故士造辟而言詭辭而出曰用我則可不用
我則無
亂其德

胡傳

公羊子曰晉殺其大夫陽處父則狐
射姑曷為出奔射姑殺也射姑殺則
其稱國以殺何君漏言也易曰不出戶庭
無咎何謂也子曰亂之所生則言語以為

幾平聲

失當去聲 舉當去聲 如字 將相去聲 並去聲 聲馬去聲 音烟去聲 行去聲 夫音扶

字為如

階君不密則失臣臣不密則失身幾事不密則害成是以君子慎密而不出也凡書殺者在則稱盜君與臣同殺則稱國今殺人在微則稱盜耳君獨以漏言故亦預殺焉所以為後世戒也或以處父為侵官非歟曰人君用人失當則其國必危凡立于朝者舉當諫君况身為晉國之太傅邪若以為侵官將相大臣非其人百官有司失其職在位者當拱默自全陰聽人主之所為至於顛危而不救則將焉用彼相乎率天下臣子為持祿容身不忠之行以誤朝迷國者必此侵官之說夫

閏月不告月猶朝于廟

告音枯左傳閏月不告朔非禮也閏以正時時以作事事以厚生生民之道於是乎在矣不告閏朔棄時政也何以為民公羊傳不

數上聲

告古篤反

朝音潮

音基音勒

告月者何不告朔也曷為不告朔天無是月也閏月矣何以謂之天無是月是月非常月也猶者何通可以已也穀梁傳不告月者何也不告朔也不告朔則何為不言朔也閏月者何者附月之餘日也積分而成於月者也天子不以告朔而喪事不數也猶之為言可以已也

胡傳

不告月者不告朔也天無是月是月非常月也胡傳不言朔也因月之虧盈而置閏是主乎月而有閏也故不言朔而言月占天時則以星授民事則以節候寒暑之至則以氣百官脩其政於朝庶民服其事於野則主乎是焉耳矣閏不可廢乎曰迎日推策則有其數轉璣觀衡則有其象歸奇於劫以象閏數也斗指兩辰之間象也象數者天理也非人所能為也故以定時成歲者唐典也以詔王居門終月者周制也班告

數去聲上
並去聲
許氣反

朔於邦國不以是為附月之餘而弗之數也猶朝于廟者幸其不已之詞子貢欲去告朔之餼羊子曰爾愛其羊我愛其禮

辛丑 襄王三十七年 晉靈公夷臯元年齊昭三十二年 衛成十五年蔡莊二十六年鄭穆

八曹共三十三陳共十二杞桓十七 宋成十七卒秦康公瑩元年楚穆六 **春公伐**

間難
並去聲

邾 左傳邾三月甲戌取須句 句公作胸左傳禮也公羊傳取邑不日此何以日內辭也使若他人然穀梁傳取邑不日此其日何也不正其再取故也 **遂成郟** 郟音吾穀梁傳遂繼事也 **夏四月**

宋公王臣卒 穀作 **宋人殺其大夫** 左傳夏宋成公卒於 **馬** 麟 驩 為 司徒 公子 蕩 為 司 城 華 御 事 為 司

驩音
去聲

去上
同聲下

合上
聲

寇昭公將去群公子樂豫曰不可公族公室之枝葉也若去之則本根無所庇蔭矣葛藟猶能庇其本根故君子以為比况國君乎此諺所謂庇焉而縱尋斧焉者也必不可君其圖之不聽穆襄之族率國人以攻公殺公孫去之公孫鄭于公宮六卿和公室樂豫舍司馬固公孫鄭于公宮六卿和公室樂豫舍司馬以讓公子印昭公即位而葬書曰宋人殺其大夫不稱名衆也且言非其罪也 **羊傳** 何稱人以殺誅有罪也

胡傳 擅殺之也大夫不名義繫於殺大夫而其名不足紀也

戊子晉人及秦人戰于令狐晉先蔑奔秦 今

長水司馬 卷七 七

難夫 聲大 朝音 朝音 上音 適音 適音 於音 適音 反音 適音 字音 皆音 秦音 父音 戎音 也音 先音 軍音 戊音 秦音 人音

呈反茂公作昧奔上有以師字左傳秦康公
送公子雍于晉曰文公之入也無衛故有呂
卻之難乃多與之徒衛穆嬴日抱適嗣不立
于朝曰先君何罪其嗣亦何罪舍適嗣不立
而外求君將焉寘此出朝則抱以適趙氏顛
首於宣子曰先君奉此朝也而屬諸子曰此
子也才吾受子之賜不才吾唯子之怨今君
雖終言猶在耳而棄之若何宣子與諸大夫
皆患穆嬴且畏偪乃背先蔑而立靈公以禦
秦師箕鄭居守趙盾將中軍先克佐之荀林
父佐上軍先蔑將下軍先都佐之步招御戎
戎津為右及董陰宣子曰我若受秦則賔
也不受寇也既不受矣而復緩師秦將逃
先人有奪人之既不受矣而復緩師秦將逃
軍之善政也訓卒利兵秣馬蓐食潛師夜起
戊子敗秦師于令狐至于剗首巳丑先蔑奔
秦士會從之先蔑之使也荀林父止之曰夫
人大子猶在而外求君此必不行子以疾辭

大音 秦音 上音 朝音 朝音 上音 適音 適音 於音 適音 反音 適音 字音 皆音 秦音 父音 戎音 也音 先音 軍音 戊音 秦音 人音

若何不然將及攝卿以徃可也何必子同官
為寮吾嘗同寮敢不盡心乎弗聽為賦板之
三章又弗聽及亡荀伯蓋送其帑及其器用
財賄於秦曰為同寮故也士會在秦三年不
見士伯其人曰吾與之同罪非義之也將何見
用之士季曰吾與之同罪非義之也將何見
焉及歸遂不見公羊傳晉先昧以師奔秦此
偏戰也何以不見公羊傳晉先昧以師奔秦此
其稱人何貶曷為貶外也其外奈何以師外
也何以不言出遂在外也穀梁傳不言出在
外也輟戰而奔秦也
胡傳按左氏襄公卒大子幼晉人欲立長
公以師納之襄夫人曰抱大子以啼于朝
曰舍適嗣不立而外求君將焉寘此諸大
夫畏逼乃背先蔑立靈公趙盾將中軍以
禦秦潛師夜起敗秦師于令狐先蔑奔秦

春秋傳卷十七

三

陸毛

穀梁傳莅位也其曰位何也前定也其不日前定之盟不日也

附錄

左傳晉卻缺言於趙宣子曰日衛不睦故取其地今已睦矣可以歸之叛

而不討何以示威服而不柔何以示懷非威非懷何以示德無德何以主盟子為正卿以主諸侯而不務德將若之何夏書曰戒之用休董之用威勸之以九歌勿使壞九功之德皆可歌也謂之九歌六府三事謂之九功水火金木土穀謂之六府正德利用厚生謂之三事義而行之謂之德禮無禮不樂所由叛也若吾子之德莫可歌也其誰來之盍使睦者歌吾子乎宣子說之

樂音洛說音悅

壬襄王三十八年晉靈二齊昭十四衛成十年崩六蔡莊二十七鄭穆九曹

共三十四陳共十三杞桓十八宋昭公杵臼元年秦康二楚穆七 **春王正月**

附錄

左傳春晉侯使解揚歸匡戚之田于衛且復致公壻池之封自申至于虎

竟牢之

夏四月

附錄

左傳夏秦人伐晉取武城以報令狐之役

秋八月戊申天王崩 世子王臣嗣位 ○冬十月

壬午公子遂會晉趙盾盟于衡雍 盾徒本反雍於

用反左傳晉人以扈之盟來討冬襄仲會晉趙孟盟于衡雍報扈之盟也 **乙酉公**

子遂會雒戎盟于暴 雒音洛雒戎公作伊雒

書曰公子遂珍之也

列別
反必

聲處
上

胡傳

春秋記約而志詳其書公子遂盟趙盾及雒戎何詞之贅乎曰聖人謹華夷之辨所以明族類別內外也雒邑天地之中而戎醜居之亂華甚矣再稱公子各日其會正其名與地以深別之者示中國夷狄終不可雜也自東漢巴來乃與戎雜處而不辨晉至於神州陸沈唐亦世有戎狄之亂許翰以為謀國者不知學春秋之過信矣

公孫敖如京師不至而復丙戌奔莒

左傳

穆伯如周弔喪不至以幣奔莒從已氏焉公羊傳不至復者何不至復者內辭也不可使往也不可使往則其言如京師何遂公意也何以不言出遂在外也穀梁傳不言所至未如也未如則未復也未如而曰如不廢君命也未復而曰復不專君命也其如非如也其

復非復也唯奔莒之為信故謹而日之也

胡傳

按左氏公孫敖奔莒從已氏也男女而不可行可以為難矣然欲生於色而縱於淫色出於性日之所視有同美焉不可掩也淫出於氣不持其志則放僻趨蹶無不為矣敖如京師其書不至而復者言敖無入使于周之意惟已氏之欲從也夫以志徇氣肆行淫欲而不能為之帥至於棄其家國出奔而不顧此天下之大戒也春秋謹書其事於敖與何誅使後人為鑒必持其志修室慾之方也

螽○宋人殺其大夫司馬宋司城來奔

左傳

夫人襄王之姊也昭公不禮焉夫人因戴氏之族以殺襄公之孫孔叔公孫鍾離及大司

使去聲
夫去聲
音扶
類所反
與平聲

去聲並上舍
五聲郎
反音
扶夫
昵反
質見
鮮上
主音
現見
殺見
絀如
字見

馬公子印皆昭公之黨也司馬握節以死故書以官司城蕩意諸來奔效節於府人而出公以其官逆之皆復之亦書以官皆貴之也公羊傳司馬者何司城者何皆官舉也曷為皆官舉宋三世無大夫三世內娶也穀梁傳司馬官也其以官稱無君之辭也司城官也其以官稱無君之辭也來奔者不言出舉其接我也

胡傳

初宋昭公將去羣公子樂豫以為不可遂舍司馬以讓公子印則印固昭公之黨欲專宋政而昭公固欲以其弟印自衛也夫司馬掌兵之官不選眾舉賢以素有威望為國人所畏服者使居其任乃欲寵其私昵鮮有不亡者矣公子印蕩意諸皆以官舉者見主兵者不能其官至於見殺守土者不能其官至於出奔而其君不免失身見絀之禍宜矣

去聲

附錄

左傳夷之蒐晉侯將登箕鄭父先趙之勲不可廢也從之先克奪蒯得田于董陰故箕鄭父先都士穀梁益耳蒯得作亂

春秋左傳卷之七

三

士廉

春秋四傳卷之十七

春秋四傳卷之十八

文公三

癸卯 項王九年 晉靈三 齊昭十五 衛成十七 蔡元 莊二十八 鄭穆十 曹共三十五

卒陳共十四 杞桓十九 宋昭二 秦康三 楚穆八 **春毛伯來求金** 來求此

左傳毛伯衛來求金非禮也不書王命未葬也公羊傳毛伯者何天子之大夫也何以不

稱使當喪未君也踰年矣何以謂之未君即位矣而未稱王也未稱王何以知其即位以

諸侯之踰年即位亦知天子之踰年即位也以天子三年然後稱王亦知諸侯於其封內

三年稱子也踰年稱公矣則曷為於其封內三年稱子緣民臣之心不可一日無君緣終

始之義一年不二君不可曠年無君緣孝子之心則三年不忍當也毛伯來求金何以書

春秋四傳卷之十八

一

龔士廉書

與平聲

譏何譏爾王者無求求金非禮也然則是王者與曰非也非王者則曷為謂之王者王者無求曰是子也繼文王之體守文王之法度文王之法無求而求故譏之也穀梁傳求車猶可求金甚矣

扶夫音

胡傳毛伯天子大夫何以不稱使當喪未諒陰三年百官總已以聽於冢宰夫百官總已以聽則是冢宰獨專國政之時託於王命以號令天下夫豈不可而不稱使春秋之旨微矣非特謹天下之通喪所以示後世大臣當國秉政不可擅權之法戒也跋扈之臣假仗主威脅制中外凡有所行動以詔書從事蓋未有以春秋此義折之耳

夫人姜氏如齊○二月叔孫得臣如京師

傳京大也師衆也言周必以衆與大言之也**辛丑葬襄王**左傳莊

葬襄王公羊傳王者不書葬此何以書不及時書過時書我有往者則書穀梁傳天子志崩不志葬舉天下而葬一人其道不疑也志葬危不得葬也日之甚矣其不葬之辭也

○晉人殺其大夫先都左傳王正月己酉使殺先都三月夫人姜氏至自齊穀梁傳甲

梁益耳文公也

見音現為去聲

胡傳夫人與君敵體同主宗廟之事出必告行反必告至則書于策然適他國者或曰享或曰會或曰如衆矣未有致之者則其行非禮以不致見其罪也出姜如齊以寧父母於禮得行矣其致者非特以告廟書耳夫人初歸豈其不告為文公越

扶夫音

禮故削而不書示誅意之法矣今此書至者又以見小君之重也夫承祭祀以為宗廟主一國之母儀而可以搖動乎出姜至是蓋不安於魯故至而特書以示防微杜漸之意其為世慮深矣

晉人殺其大夫士穀及箕鄭父

左傳三月甲戌晉人殺箕

鄭父士穀削得穀梁傳稱人以殺誅有罪也鄭父累也

胡傳

殺先都士穀國也其稱人以殺者國亂無政衆人擅殺之稱也何以知其

非討賊之詞書殺其大夫則知之矣三大夫皆強家也求專晉不得挾私怨以作亂而使賊殺其中軍佐則固有罪矣曷為不去其官當是時晉靈初立主幼不君政在趙盾而中軍佐者盾之黨也若獄有所歸則此三人者獨無可議從末減乎而皆殺

去上聲

去上聲

之是大夫專生殺而政不自人主出也故不稱國討不去其官而箕鄭父書及示後世司賞罰者必本忠恕無有黨偏之意其義精矣

楚人伐鄭公子遂會晉人宋人衛人許人救

左傳范山言於楚子曰晉君少不在諸侯北方可圖也楚子師于狼淵以伐鄭囚公

子堅公子老及樂耳鄭及楚平公子遂會晉趙盾宋華耦衛孔達許大夫救鄭不及楚師

卿不書緩也以懲不恪也

胡傳

按左氏范山言於楚子曰晉君少不在諸侯北方可圖也楚子師于狼淵

以伐鄭則是貪得無故憑陵諸夏之兵也故楚子親將貶而稱人晉宋衛則趙盾華孔皆國卿也何以貶而稱人救而不及楚師欲以懲不恪也晉主夏盟不在諸侯以

將去聲 戶化反

少去聲

啓戎心誰之過乎故書救而稱人以罪趙盾之不能折衝消患爲夷狄之所窺也

夏狄侵齊

附錄 左傳夏楚侵陳克壺丘以其服於晉也○秋楚公子朱白東夷伐陳陳人

敗之獲公子棧陳懼乃及楚平

秋八月曹伯襄卒○九月癸酉地震

何動地也何以書記異也穀梁傳震動也地不震者也震故謹而日之也○冬楚

子使椒來聘

椒穀作菽楚君臣始並見經左傳楚子越椒來聘執幣傲叔仲

惠伯曰是必滅若敖氏之宗傲其先君神弗福也公羊傳椒者何楚大夫也楚無大夫此何以書始有大夫也始有大夫則何以不氏許夷狄者不一而足也穀梁傳楚無大夫其

曰菽何也以其來我褒之也

胡傳

楚僭稱王春秋之始獨以號舉夷狄之也中間來聘改而書人漸進之矣

至是其君書爵其臣書名而稱使遂與諸侯比者是以中國之禮待之也所謂謹華夷之辨內諸夏而外四夷義安在乎曰吳楚聖賢之後見周之弱王靈不及僭擬名號此乃夏而變於夷者也聖人重絕之夫春秋立法謹嚴而宅心忠恕嚴於立法故僭號稱王則深加貶黜比之夷狄以正君臣之義恕以宅心故內雖不使與中國同外亦不使與夷狄等思善悔過向慕中國則進之而不拒此慎用刑重絕人之意也意春秋之所以爲春秋非聖人莫能脩之者乎

秦人來歸僖公成風之榘

榘音遂左傳禮也諸侯相弔賀也雖

扶夫音

好去聲

鳳賜反

分去聲

不當事苟有禮焉書也以無忘舊好公羊傳其言僖公成風何兼之兼之非禮也曷為不

胡傳

秦人歸繇而曰僖公成風者非兼繇也亦猶平王來賜仲子而謂之惠公

仲子爾仲子惠公之妾也然則風氏亦莊公之妾曷不書曰來歸莊公成風之繇乎曰寵愛仲子以妾為妻者惠公也故書惠公仲子所以正後世之為人夫者當明夫道不可亂嫡妾之分以卑其身尊崇風氏立為夫人者僖公也故書僖公成風所以正後世之為人子者當明子道不可行僭亂之禮以賤其父聖人垂誠之義明矣

葬曹共公

甲辰 頃王十年 晉靈四齊昭十六衛成十八蔡莊二十九鄭穆十一曹文公壽

元年陳共十五杞桓二十 春王三月辛卯臧

孫辰卒 ○夏秦伐晉

左傳秦晉人伐秦取少梁夏秦伯伐晉取北徵

胡傳

說者謂秦伐晉以戎狄書蓋闕文者據左氏少梁北徵之師兩國相攻無

他得失言之也然晉取少梁事不經見固未可據秦以狄書者程氏以謂晉舍適嗣而外求君罪也既而悔之正矣秦不顧義理是非惟以報復為事則夷狄之道也以此狄秦義固然矣或者猶有深許晉人悔過能改終不遂非之意故重貶秦伯以見乎

楚殺其大夫宜申

左傳初楚范巫裔以謂成王與子玉子西曰三君皆

將強死城濮之役王思之故使止子玉曰毋死不及止子西子西縊而縣絕王使適至遂

強其反音

少去聲 見現音 舍上音 適音 的音

葉咸茂

止之使為商公沿漢沂江將入郢王在渚宮
下見之懼而辭曰臣免於死又有讒言謂臣
將逃臣歸死於司敗也王使為工尹又與子
家謀弑穆王穆王聞之五月殺鬬宜申及仲
歸

胡傳

按左氏宜申與仲歸謀弑穆王而誅
則是討弑君之賊也曷為稱國以殺

又書其官而不曰楚人殺宜申乎曰穆王
者即楚世子商臣也而春秋之義微矣

自正月不雨至于秋七月

穀梁傳歷時而言
不雨文不閔雨也

不閔雨者無
志乎民也

○及蘇子盟于女栗

左傳頃王
立故也

○冬狄侵宋○楚子蔡侯次于厥貉

厥公作
屈音同

華去聲

貉音麥左傳陳侯鄭伯會楚子于息冬遂及
蔡侯次于厥貉將以伐宋宋華御事曰楚欲

勞去聲
導音

弱我也先為之弱乎何必使誘我我實不能
民何罪乃逆楚子勞且聽命遂道以田孟諸

乙扶反
恥音

宋公為右孟鄭伯為左孟期思公復遂為右
司馬子朱及文之無畏為左司馬命夙駕載

辟音
避音

燧宋公違命無畏扶其僕以徇或謂子舟曰
國君不可戮也子舟曰當官而行何疆之有

詩曰剛亦不吐柔亦不茹毋縱詭隨以謹周
極是亦非辟疆也敢愛死以亂官乎厥貉之
會麋子
逃歸

胡傳

楚滅江六平陳與鄭於是乎為伐宋
之舉次于厥貉凡伐而次者其次為

善次而伐者其次為賤齊師次經脩文告
以威敵善之也故上書伐楚以著其美楚

次厥貉藏禍心以憑夏賤之也故下書伐
麋以著其罪當是時陳鄭宋皆從楚矣獨

書蔡侯何哉鄭失三大夫俟教而不及陳
獲公子茂而懼宋方有狄難蓋有不得已

去聲
火難音
茂俱反

去聲
火難音
茂俱反

現見音

者非所欲也蔡無四境之虞則是得已不
已志在從夷狄矣故削三國書蔡侯見其
棄諸夏之惡也

乙卯三年十有一年晉靈五齊昭十七衛成十

文二陳共十六杞桓二十鄭穆十二曹

一宋昭四秦康五楚穆十春楚子伐麋倫俱

公作圈楚始書君將左傳春楚子伐麋成大

心敗麋師于防渚潘崇復伐麋至于錫允

夏叔仲彭生會晉卻缺于承筐公穀無仲

反筐公穀作匡此大夫特相會之始左傳叔

仲惠伯會晉卻缺于承筐謀諸侯之從於楚

者秋曹伯來朝左傳秋曹文公來○公子

遂如宋左傳襄仲聘于宋且言司城蕩意○

狄侵齊○冬十月甲午叔孫得臣敗狄于鹹

左傳鄭驪侵齊遂伐我公卜使叔孫得臣追

之吉侯叔夏御莊叔縣房甥為右富父終甥

駟乘冬十月甲午敗狄于鹹獲長狄僑如富

父終甥搆其喉以戈殺之埋其首於子駒之

門以命宣伯初宋武公之世鄭驪伐宋司徒

皇父帥師禦之而班御皇父充石公子穀甥

為右司寇牛父駟乘以敗狄于長丘獲長狄

綠斯皇父之二子死焉宋公於是以前賞而

班使食其征謂之而門晉之滅潞也獲僑如

之弟焚其弟榮如埋其首於周首之北門衛

成父獲其季弟簡如鄭驪由是遂亡公羊傳狄

人獲其長狄也兄弟三人一者之齊一者之魯

者何叔孫得臣殺之則未知其之晉者也其言

敗何大之也其日何大之也其地何大之也

復又錫反扶羊音

鹹音鄭咸音

千反

春音

潞音

何以書記異也穀梁傳不言帥師而言敗何也直敗一人之辭也一人而曰敗何也以衆焉言之也傳曰長狄也弟兄三人佚宕中國瓦石不能害叔孫得臣最善射者也射其目身橫九畝斷其首而載之眉見於軾然則何為不言獲也曰古者不重創不禽二毛故不言獲為內諱也其之齊者王子成父殺之則未其之晉者也

胡傳

左氏稱此長狄也而劉敞以為非夫春秋正名之書其稱狄也或曰狄或曰赤狄其稱戎也或曰戎或曰陸渾之戎不別其種

曰白狄或曰赤狄其稱戎也或曰戎或曰陸渾之戎不別其種亦無所考矣

附錄

左傳邾大夫鍾離人弗徇

丙項王十有二年晉靈公齊昭十八衛成二十四年蔡莊三十一鄭穆十三

曹文三陳共十七杞桓二十春王正月邾伯

來奔邾公作盛左傳邾伯來奔公以諸侯逆之非

禮也故書曰邾伯來奔不書地尊諸侯也公羊傳盛伯者何失地之君也何以不名兄弟

辭也○杞伯來朝且請絕叔桓公來朝始朝公也

之○二月庚子子叔姬卒左傳二月叔姬卒

姬言非女也公羊傳此未適人何以卒許嫁

矣婦人許嫁字而笄之死則以成人之喪治

之其稱子何貴也其貴奈何母弟也穀梁傳

其曰子叔姬貴也公之母姊妹也其一傳曰

許嫁以卒之也男子二十而冠冠而列丈○

夫三十而娶女子十五而許嫁二十而嫁○

夏楚人圍巢左傳楚令尹大縣伯卒成嘉為

冠去聲

去却音

見音 現音 為去聲 扶夫音 別必反 列反 種上 聲 大音 泰夫音 音扶

平及宗子 ○秋滕子來朝 左傳秋滕昭公來朝亦始朝公也

○秦伯使術來聘 術公作遂且言將伐晉襄

仲辭王曰君不忘先君之好照臨魯國鎮撫其社稷重之以大器寡君敢辭王對曰不腆

敝器不足辭也主人三辭賓答曰寡君願微福于周公魯公以事君不腆先君之敝器使

下臣致諸執事以為瑞節要結好命所以藉寡君之命結二國之好是以敢致之襄仲曰

不有君子其能國乎國無陋矣厚賄之公羊傳遂者何秦大夫也秦無大夫此何以書賢

繆公也何賢乎繆公以為能變也其為能變奈何惟譏善諍言俾君子易怠而况乎我

多有心休休能有容是難也 ○冬十有二月

戊午晉人秦人戰于河曲 左傳秦為令狐之役故冬秦伯伐晉

將去

取羈馬晉人禦之趙盾將中軍荀林父佐之

卻缺將上軍史駢佐之欒盾將下軍胥甲佐之

之范無恤御戎以從秦師于河曲史駢曰秦

不能久請深壘固軍以待之從之秦人欲戰

秦伯謂士會曰若何而戰對曰趙氏新出其

屬曰史駢必實為此謀將以老我師也趙有

側室曰穿晉君之壻也佐上軍也若使輕者

好勇而狂且惡史駢之佐不及反怒曰裹糧

肆焉其可秦伯以璧祈戰于河十二月戊午

秦軍掩晉上軍趙穿追之不及反怒曰裹糧

坐甲固敵是求敵至不擊將何俟焉軍吏曰

將有待也穿曰我不知謀將獨出乃以其屬

出宣子曰秦獲穿也獲一卿矣秦以勝歸我

好去

並去

聲去

遣政

音果

薄反

觀魚 兩軍之士皆未怒也明日請相見也史駢曰

傳音

敗之胥甲趙穿當軍門呼曰死傷未收而棄

之

之不惠也不待期而薄人於險無勇也乃止

亟反去
更反去
將去
並去
聲去
步去
上反
聲處

秦師夜遁復侵晉入瑕公羊傳此偏戰也何以不言師敗績敵也曷為以水地河曲䟽矣
河千里而一曲也穀梁傳不言

胡傳

秦伯親將晉上卿趙盾禦之其稱人積忿晉不謝秦潛師禦之是以暴兵連禍至此極也凡戰皆以主人及客者處已之道寡怨之方王者之事其不書晉及何也前年秦師來伐晉不言戰者晉已服矣故狄秦而免晉今又為此役則秦曲甚矣故不以晉為主惟動大眾從秦師不奉詞令以此輕重之權衡而稱

季孫行父帥師城諸及鄆鄆公作運後同左傳書時也穀梁傳有難也

季孫行父帥師城諸及鄆

鄆公作運後同左傳書時也穀梁傳

稱帥師言有難也

丁未

頃王十有三年

晉靈七齊昭十九衛成二十四曹文四陳共十八卒杞桓二

丙申

春王正月

十二鄭穆十

處上
聲塞
如字

附錄

左傳晉侯使詹嘉處瑕以守桃林之塞

夏五月壬午陳侯朔卒

附錄

左傳晉人患秦之用士會也夏六卿相見於諸浮趙宣子曰隨會在秦賈

難去
聲行
音杭
知祭
音奴
朝音奴
潮音奴
扶音

季在狄難日矣若之何中行桓子曰請復賈季能外事且由舊勳卻成子曰賈季亂且罪大不如隨會能賤而有恥柔而不犯其知足使也且無罪乃使魏壽餘偽以魏叛者以誘士會執其帑於晉使夜逸請自歸於秦秦伯許之履士會之足於朝秦伯師于河西魏人在東壽餘曰請東人之能與夫二三有司言者吾與之先使士會

春秋左傳卷之八

十一

黃長

背音
同朝下
如字

課還音
噪旋
處上聲

與音
預

共音
泰

士會辭曰晉人虎狼也若背其言臣死妻
子為戮無益於君不可悔也秦伯曰若背
其言所不歸爾帑者有如河乃行繞朝贈
之以策曰子無謂秦無人吾謀適不用也
既濟魏人謀而還秦人
歸其帑其處者為劉氏

邾子蘧蒢卒

蘧蒢其君反蒢文公卜遷于繹史曰利

於民而不利於君邾子曰苟利於民孤之利
也天生民而樹之君以利之也民既利矣孤
必與焉左右曰命可長也君何弗為邾子曰
命在養民死之短長時也民苟利矣遷也吉
莫如之遂遷于繹五月
邾文公卒君子曰知命

自正月不雨至于

秋七月○世室屋壞

世左穀作大音秦左傳

不共也公羊傳世室者何魯公之廟也周公
稱大廟魯公稱世室羣公稱宮此魯公之廟

也曷為謂之世室世室猶世室也世世不毀
也周公何以稱大廟于魯封魯公以為周公
也周公拜乎前魯公拜乎後曰生以養周公
死以為周公主然則周公之魯乎曰不之魯
也封魯公以為周公主然則周公曷為不之
魯欲天下之一乎周公也魯祭周公何以牲
周公用白牡魯公用騂犗羣公不毛魯祭周
公何以為盛周公盛魯公燾羣公廩世室屋
壞何以書譏何譏爾久不脩也穀梁傳大室
屋壞者有壞道也譏不脩也大室猶世室也
周公曰大廟伯禽曰大室羣公曰宮禮宗廟
之事君親割夫人親春敬之至也為社稷之
主而先君之廟壞
極稱之志不敬也

胡傳

世室魯公之廟也周公稱大廟魯公

不脩也何以知久乎自正月不雨則無壞
道也不雨凡七月而先君之廟壞不恭甚

然

矣凡此皆志文公怠慢不謹事宗廟以致魯國衰削之由垂戒切矣

冬公如晉衛侯會公于沓會下公字○狄侵衛

○十有二月己丑公及晉侯盟公還自晉還上

公穀無公字鄭伯會公于棐棐芳尾反公作斐左

盟衛侯會公于沓請平于晉公還鄭伯會公

于棐亦請平于晉公皆成之鄭伯與公宴于

非子家賦鴻鴈季文子曰寡君未免於此文

子賦四月子家賦載馳之四章文子賦采薇

之四章鄭伯拜公答拜公羊傳還者何善辭

何善爾往黨衛侯會公于沓至得與晉侯盟

反黨鄭伯會公于斐故善之也穀

梁傳還者事未畢也自晉事畢也

申戊頃王六年崩子班十有四年晉靈八齊昭

二十二年蔡莊三十三鄭穆十五曹文五陳靈

公平國元年杞桓二十四宋昭七秦康八楚

莊王旅元年春王正月公至自晉

附錄左傳春頃王崩周公闋與王孫蘇爭

不告亦不書懲不敬也

邾人伐我南鄙叔彭生帥師伐邾左傳邾文

公使弔焉不敬邾人來討夏五月乙亥齊侯

伐我南鄙故惠伯伐邾夏五月乙亥齊侯

潘卒左傳子叔姬妃齊昭公生舍叔姬無寵

配施音 去聲

附錄

左傳邾文公元妃齊姜生定公二妃

盡其家貸於公有司以繼之夏五月昭公卒舍即位

左傳邾文公元妃齊姜生定公二妃

左傳邾文公元妃齊姜生定公二妃

左傳邾文公元妃齊姜生定公二妃

菑奔

六月公會宋公陳侯衛侯鄭伯許男曹伯晉

趙盾癸酉同盟于新城左傳從於楚者服且謀邾也穀梁傳同者

有同也同外楚也

胡傳同盟于新城同外楚也其曰同者志伯在焉則知楚次厥貉三國雖從誠有弗獲已者荆而不書蓋怨之也蔡不與盟果有背華即夷之實矣夷考晉楚行事未有以大相遠也而春秋予奪如此者荆楚僭王若與同好陵蔑中華是將代宗周為共主君臣之義滅矣可不謹乎

附錄左傳秋七月乙卯夜齊商人弒舍而讓元元曰爾求之夕矣我能事爾爾

不可使多蓄憾將免我乎爾為之

秋七月有星孛入于北斗孛音佩左傳周內史叔服曰不出七年宋齊晉之君皆將死亂公羊傳孛者何彗星也其言入于北斗何北斗有中何以書記異也穀梁傳孛之為言猶第也其曰入北斗有環域也

胡傳孛者惡氣所生闇亂不明之貌也入于北斗者斗有環域天之三辰綱紀星也宋先代之後齊晉天子方伯中國紀綱彗者所以除舊布新也禎祥妖孽隨其所感先事而著後三年宋弒昭公又二年齊弒懿公又二年晉弒靈公此三君者皆違道失德而死于亂符叔服之言天之示人顯矣史之有古明矣

公至自會○晉人納捷菑于邾弗克納捷公作接

陳亥宗

乘去 音響 且音長 祖上聲 旋還音

苗側其反左傳晉趙盾以諸侯之師八百乘
納捷苗于邾邾人辭曰齊出獲且長宣子曰
辭順而弗從不祥乃還公羊傳納者何入辭
也其言弗克納何大其弗克納也何大乎其
弗克納晉卻缺帥師革車八百乘以納接苗
于邾婁力沛若有餘而納之邾婁人言曰接
苗晉出也獲且齊出也子以其指則接苗也
西獲且也六子以太國壓之則未知齊晉孰
有之也貴則皆貴矣雖然獲且也長卻缺曰
非吾力不能納也義實不爾克也引師而去
之故君子大其弗克納也此晉卻缺也其稱
人何賤曷為賤不與大夫專廢置君也曷為
不與實與而文不與文曷為不與大夫之義
不得專廢置君也穀梁傳是卻克也其曰人
何也微之也何為微之也長轂五百乘縣地
千里過宋鄭滕薛魯入千乘之國欲變人之
主至城下然後知何知之晚也弗克納未伐
而曰弗克何也弗克其義也捷苗晉出也獲

乘去 聲 乘如 字 文遠 聲 去 為去 聲

且齊出也獲且正也捷苗不正也

胡傳 邾文公元妃齊姜生定公二妃晉姬
生捷苗文公卒邾人立定公捷苗奔
邾人辭曰齊出獲且長宣子曰非吾力不
能納也義實不爾克也引師而去之故君
子善之而書曰弗克納也在易同人之九
四曰乘其墉弗克攻吉象曰乘其墉義弗
克也其吉則困而反則也其趙盾之謂矣
聖人以改過為大過而不改將文過以遂
非則有怙終之刑過而能悔不貳過以遠
罪則有遷善之美其曰弗克納見私欲不
行可以為難矣然則何以稱人大夫而置
諸侯非也聞義能徙故為之
諱內以諱為賤外以諱為善
附錄 左傳 周公將與王孫蘇訟于晉王叛
王孫蘇而使尹氏與聃咎訟周公于

陳及宗

守音 狩音 音了 君麋音

朝音 潮復 適之 復扶 又反

晉趙宣子平王室而復之○楚莊王立子
孔潘崇將襲羣舒使公子燮與子儀守而
伐舒蓼二子作亂城郢而使賊殺子孔不
克而還八月二子以楚子出將如商密廬
戰黎及叔麋誘之遂殺鬬克及公子燮初
鬬克囚于秦秦有殺之敗而使歸求成成
而不得志公子燮求令
尹而不得故二子作亂

九月甲申公孫敖卒于齊

左傳穆伯之從已氏也魯人立文伯

穆伯生二子於莒而求復文伯以為請襄仲
使無朝聽命復而不出三年而盡室以復適
莒文伯疾而請曰穀之子弱請立難也許之
文伯卒立惠叔穆伯請重賂以求復惠叔以
為請許之將來九月卒于齊告喪請葬弗許
穀梁傳奔大夫不言卒而言卒何也為受其
喪不可不卒也
其地於外也 ○齊公子商人弒其君舍

難去聲

齊人定懿公使來告難故書以九月齊公子
元不順懿公之為政也終不曰公曰夫已氏
公羊傳此未踰年之君也其言弒其君舍何
已立之已殺之成死者而賤生者也穀梁傳
舍未踰年其曰君何也成舍之為君所以重
商人之弒也商人其不以國氏何也不以嫌
代嫌也舍之不日
何也未成為君也

胡傳

州吁弒君則以國氏商人獨稱公子
何也州吁弒君則以國氏商人獨稱公子者

誅止其身夫州吁寵愛有匹嫡奪正之漸
莊公養成其惡而莫之禁至於弒逆則有
以致之矣故曰以國氏者累及乎上按左
氏魯叔姬妃齊昭公生舍叔姬無寵舍無
威商人之心知其孤危寡特可以取而代也
於是驟施於國而多聚士然則商人弒逆
出於其身之所為而非昭公有以致之也
故曰稱公子者誅止其身舍未踰年而成

累劣 偽反 夫音 扶 妃音 配 施去聲

之為君者穀梁子曰成舍之為君所以重商人之弒也

宋子哀來奔左傳宋高哀為蕭封人以為卿不義宋公而出遂來奔書曰宋

子哀來奔貴之也公羊傳宋子哀者何無聞焉爾穀梁傳其曰子哀失之也

胡傳宋昭公無道高哀為蕭封人以為卿不義宋公而出遂來奔書曰子哀貴

之也易曰幾者動之微吉之先見者也君子見幾而作不俟終日宋子哀有焉昔微

子去紂列于三仁之首子哀不立於危亂之邦而春秋書字謂能貴愛其身以存道

也若偷生避禍而去國出奔亦何取之有

冬單伯如齊齊人執單伯

胡傳齊君舍魯之甥也商人弒舍固忌魯矣魯使單伯如齊齊人意欲辱魯故

執單伯弁子叔姬而誣之以罪不稱行人公羊所謂以已執之者也

齊人執子叔姬

左傳襄仲使告于王請以王寵求昭姬于齊曰殺其子焉用其母請受而罪之冬單伯如齊請于叔姬

齊人執之又執子叔姬公羊傳執者曷為或稱行人或不稱行人稱行人而執者以其事

執也不稱行人而執者以已執也單伯之罪何道淫也惡乎淫淫乎子叔姬然則曷為不

言齊人執單伯及子叔姬內辭也使若異罪然穀梁傳私罪也單伯淫于齊齊人

胡傳子叔姬者齊君舍之母也弒其君執其母皆商人所為而以為齊人執之

何也商人弒君之罪已顯而齊人黨賊之惡未彰商人驟施於國而多聚士是以財

誘齊國之人而濟其惡也齊人懷商人之私惠忘君父之大倫弒其君而不能討執

幾平聲下

焉音

惡平聲

施去聲

朝音
朝難
去聲

其母而莫之救則是舉國之人皆有不赦之罪也假有人焉正色而立於朝誰敢致難其君與執其母而不之顧乎故聖人書曰齊人執子叔姬所以窮逆賊之黨與而治之也其討罪之旨嚴矣故曰春秋成而亂臣賊子懼

配 元年 十有五年 晉靈公商人元年

卒鄭穆十六曹文六陳靈二杞桓 春秋莊三十四

父如晉 左傳春季文子如晉為 ○三月宋司

馬華孫來盟 華戶化反左傳宋華耦來盟其

之也公與之宴辭曰君之先臣督得罪於宋殤公名在諸侯之策臣承其祀其敢辱君請承命於亞旅魯人以爲敏穀梁傳司馬官也其以官稱無君之辭也來盟者何前定也不

言及者以國與之也

胡傳 司馬主兵之官稱華孫者自督弑殤

其後世繼掌兵權春秋之所禁者故傳載其承命亞旅之詞而經書曰宋司馬華孫來盟其曰華孫猶季孫叔孫仲孫臧孫之類不書名者義不繫於名也不稱使以是專行爲無君矣孟子曰所謂故國非謂其有喬木有世臣之謂也春秋此義其欲後世以賢者之類功臣之胃爲世臣然後委之以政乎

夏曹伯來朝 左傳禮也諸侯五年再相 ○齊

人歸公孫敖之喪 左傳齊人或爲孟氏謀曰

魯必取之從之卞人以告惠叔猶毀以爲請立於朝以待命許之取而殯之齊人送之書

爲去聲

華去聲
同傳
去聲

爲去聲

共音 恭已 音紀 佚音 逸 說音 悅帥 入聲 遠去 聲句 古侯 反莫 反幸 行去 聲

曰齊人歸公孫敖之喪為孟氏且國故也葬
視共仲聲已不視惟堂而哭襄仲欲勿哭惠
伯曰喪親之終也雖不能始善終可也史佚
有言曰凡弟致美救乏賀善弔災祭敬喪哀
情雖不同母絕其愛親之道也子無失道何
怨於人襄仲說帥兄弟以哭之他年其二子
來孟獻子愛之聞於國或譖之曰將殺子獻
子以告季文子二子曰夫子以愛我聞我以
將殺子聞不亦遠於禮乎遠禮不如死一人
門于句蠲一人門于戾丘皆死公羊傳何以
不言來內辭也脅我而歸之荀將而來也

胡傳

公孫敖慶父之後行又醜矣出奔他
國其卒與喪歸皆書于策者許翰以
謂文伯惠叔二子之哀誠無已也故魯人
從其請國史記其事仲尼因而不革者以
敖著教也易曰有子考無咎周
公命蔡仲曰爾尚蓋前人之愆

朝音

六月辛丑朔日有食之鼓用牲于社

左傳非禮也日

有食之天子不舉伐鼓于社諸侯用幣于社
伐鼓于朝以昭事神訓民事君示有等威古
之道 ○單伯至自齊 左傳齊人許單伯請而

伯至自齊貴之也 穀梁傳大夫執則致致

胡傳

單伯天子之命大夫也故逆王姬會
伐宋使于齊皆書其字致而不名與
意如媼異者無所書而
不尊王命謹臣禮也

晉卻缺帥師伐蔡戊申入蔡

左傳新城之盟

缺以上軍下軍伐蔡曰君弱不可以怠戊申
入蔡以城下之盟而還凡勝國曰滅之獲大
城焉曰入之公羊傳入不言伐此其 ○秋齊
言伐何至之日也其日何至之日也

使去 聲媼 反勅 略 與去 聲還音 旋

陸毛清

難去
同聲下

人侵我西鄙

穀梁傳其曰鄙遠之也其遠○

季孫行父如晉

左傳齊人侵我西鄙

○冬十

有一月諸侯盟于扈

左傳冬十一月晉侯宋公衛侯蔡侯陳侯鄭伯

與去
聲

許男曹伯盟于扈尋新城之盟且謀伐齊也齊人賂晉侯故不克而還於是齊難是以公會公不書曰諸侯盟于扈無能為故也凡諸侯會公不與不書諱君惡也與而不書後也

胡傳

盟于扈者晉侯宋公衛侯蔡陳鄭曹許

朝音
朝音

於夷狄君臣同詞而不分爵號說者以為略之也八國曷為略之等於夷狄乎齊人弑君不能致討受賂而退奚以賢於狄矣不曰晉人會諸侯盟于扈而曰諸侯盟者分惡於諸侯也陳恒弑其君孔子沐浴而朝告於哀公請討之弑君之賊夫子沐浴而

復扶
與去
聲

得討也而况諸侯乎况於鄰國乎略諸侯而不序以其欲討齊罪而復不能也况於鄰壤初不與盟會者乎魯君之罪亦可知也

十有二月齊人來歸子叔姬

左傳王故也公羊傳其言來向

閔之也此有罪何閔爾父母之於子雖有罪猶若其不欲服罪然穀梁傳其曰子叔姬貴於子雖有罪猶欲其免也

胡傳

不言齊子叔姬來歸而曰齊人來歸

見音
現

齊侯侵我西鄙遂伐曹入其郭

郭音孚左傳齊侯侵我西

而歸之爾春秋深罪齊人以商人為君而不知其惡故其執其歸與弑其君商人皆稱齊人深責之也

余果和

朝音 潮音 女音 守去 聲

鄙謂諸侯不能也遂伐曹入其郛討其來朝也季文子曰齊侯其不免于已則無禮而討於有禮者曰女何故行禮禮以順天之道也已則反天而又以討人難以免矣詩曰胡不相畏不畏于天君子之不虐幼賤畏于天也在周頌曰畏天之威于時保之不畏于天將何能保以亂取國奉禮以守猶懼不終多行無禮弗能在矣公羊傳郛者何恢郭也入郭書乎曰不書入郭不書此何以書動我也動我者何內辭也其實我動焉爾

庚匡王十有六年晉靈十齊懿二衛成二十

七曹文七陳靈三杞桓二十春季孫行父會

齊侯于陽穀齊侯弗及盟左傳春王正月及

文子會齊侯于陽穀請盟齊侯不肯曰請侯君間公羊傳其言弗及盟何不見與盟也穀

梁傳弗及者內辭也行○夏五月公四不視

疾也何言乎公有疾不視朔自是公無疾

不視朔也然則曷為不言公無疾不視朔有

疾猶可言也無疾不可言也穀梁傳天子告

朔于諸侯諸侯受乎禰廟禮也公四不

視朔公不臣也以公為厭政以甚矣

胡傳天子班朔于諸侯諸侯每月奉以告

廟出視朝政文公四不視朔公羊子

以為有疾也不言疾自是公無疾不視朔

也此見聖人所書之意若後復視朔者必

於此書公有疾與昭公如晉之事比矣文

公厭政備見於經閏不告朔不視無兩不

朝音 潮音 復扶 又反 見音 現與 音預

閔會同不與廟壞不脩作主不時事神

治民之怠也則其心放而不知求久矣

六月戊辰公子遂及齊侯盟于鄆丘

鄆音西 公作犀

余果刊

丘穀作師丘公羊疏作菑丘左傳公使襄仲納賂于齊侯故盟于鄆丘穀梁傳復行父之盟也

○秋八月辛未夫人姜氏薨毀泉臺

左傳有蛇

自泉宮出入于國如先君之數秋八月辛未聲姜薨毀泉臺公羊傳泉臺者何郎臺也郎臺則曷為謂之泉臺未成為郎臺既成爲泉臺毀泉臺何以書譏何譏爾築之譏毀之譏先祖爲之已毀之不如勿居而已矣穀梁傳喪不貳事貳事緩喪也以文爲多失道矣自古爲之今毀之不

胡傳

先祖爲之非矣然臺之存毀非安危治亂之所繫也雖勿居可也而必毀

之是暴揚其失有輕先祖之心此履霜之漸弑父與君之前春秋之所謹也故書

楚人秦人巴人滅庸

左傳楚大饑戎伐其西南至于阜山師于大林

又伐其東南至于陽丘以侵訾枝庸人帥群蠻以叛楚麇人帥百濮聚於選將伐楚於是申息之北門不啓楚人謀徙於板高蔦賈曰不可我能往寇亦能往不如伐庸夫麇與百濮謂我饑不能師故伐我也若我出師必懼而歸百濮離居將各走其邑誰暇謀人乃出師旬有五日百濮乃罷自廬以往振廩同食次于句澁使廬戢黎侵庸及庸方城庸人逐之囚于揚窻三宿而逸曰庸師衆群蠻聚焉不如復大師且起王卒合而後進師叔曰不可姑又與之遇以驕之彼驕我怒而後可克先君粉冒所以服涇隰也又與之遇七遇皆北唯裨僚魚人實逐之庸人曰楚不足與戰矣遂不設備楚子乘駟會師于臨品分爲二隊子越自石溪子貝自仞以伐庸秦人巴人從楚師群蠻從楚子盟遂滅庸

胡傳

楚大饑戎與麇濮交伐之而庸人幸其弱帥羣蠻以叛楚此取滅之道也

音皮裨報冒粉紛 音句句 反復音 音紬 音絛 音反莫反扶 音筮 音蓬 音

暴步 處上 聲

楚人謀徙於阪高為賈曰不可我能往寇亦能往不如伐庸亦見其謀國之善矣故列書三國而楚不稱師滅楚之罪詞也

冬十有一月宋人弑其君杵臼

禮於國人宋饑竭其粟而貸之年自七十以上無不饋詒也時加蓋珍異無日不數於六卿之門國之材人無不事也親自桓以下無不恤也公于鮑美而豔襄夫人欲通之而不可乃助之施昭公無道國人奉公于鮑以因夫人於是華元為右師公孫友為左師華耦為司馬鱗懼為司徒蕩意諸為司城公子朝為司寇初司城蕩卒公孫壽辭為司城請使意諸為之既而告人曰君無道吾官近懼及焉棄官則族無所庇子身之貳也姑紓死焉雖亡子猶不亡族既夫人將使公田孟諸而殺之公知之盡以寶行蕩意諸曰盍適諸侯公

上聲支論上
反以支論上
音州數支論上
並施華去
聲去華去
職朝音
如貫朝音
舒舒音

曰不能其大夫至于君祖母以及國人諸侯誰納我且既為人君而又為人臣不如死盡以其寶賜左右而使行夫人使謂司城去公對曰臣之而逃其難若後君何冬十一月甲寅宋昭公將田孟諸未至夫人王姬使帥甸攻而殺之蕩意諸死之書曰宋人弑其君杵臼君無道也文公即位使母弟須為司城華耦卒而使蕩虺為司馬公羊傳弑君者曷為或稱名氏或不稱名氏大夫弑君稱名氏賤者窮諸人大夫相殺稱人賤者窮諸盜

難去
音句
鬼况
反况

胡傳此襄夫夫人使甸殺之也而書宋人者而弑之可乎諸侯殺其大夫雖當於罪若不歸司寇猶有專殺之嫌以為不臣矣况於北面歸戴奉之以為君也故曰人臣無將將而必誅昭公無道聖人以弑君之罪歸宋人者以明三綱人道之君可以肆於民義不可廢也然則有土之君可以肆於民

當去
聲去

義不可廢也然則有土之君可以肆於民

春秋左傳卷之六

卷之六

葉伯應

居音 基音 甫音

上而無誅乎諸侯無道天子方伯在焉臣
子國人其何居死於其職而明於去就從
違之義斯可矣蕩意諸亦死職春秋削之
不得班於孔父仇牧荀息何也三子閑其
君而見殺春秋之所取也意諸知國人將
弑其君而不能止知昭公之將見殺而不
能正坐待其及而死之所謂匹夫匹婦自
經於溝瀆而莫之知也奚得與死於其職
者比乎聖人所以獨取高
哀之去而書字以褒之也

辛亥三年十有七年 晉靈十一 齊懿三 衛成二 鄭穆十八 曹

文八陳靈四杞桓二十七宋文 春晉人衛人

公鮑元年秦康十一 楚莊四 衛孔達陳公

陳人鄭人伐宋 孫寧鄭石楚伐宋討曰何故

胡傳 列國之卿其君所與共天位治天職
者宋有弑君之亂欲行天討而伐宋
乃其職也復不能討而成其亂是不足為
國卿失其職矣故皆賤而稱人大夫帥師
稱名氏賤者窮諸人其稱人賤之也陳桓
弑簡公孔子請討曰以吾從大夫之後不
敢不告也

夏四月癸亥葬我小君聲姜 公作聖左傳有

齊侯伐我西鄙六月癸未 齊難是以緩公

公及齊侯盟于穀 左傳齊侯伐我北鄙襄

諸侯會于扈 左傳晉侯蒐于黃父遂復合諸

故也書曰諸侯無功也於是晉侯不見鄭伯
以為貳於楚也鄭子家使執訊而與之書以

復扶 又反 聲與去

難去 同聲下

復扶 又反

難去聲 潮音下 蘇勅反

見音

音鏗 鏗音鏗 鏗音鏗 鏗音鏗

告趙宣子曰寡君即位三年召蔡侯而與之
事君九月蔡侯入於敝邑以行敝邑以侯宣
多之難寡君是以不得與蔡侯偕十一月克
滅侯宣多而隨蔡侯以朝于執事十二年六
月歸生佐寡君之嫡夷以請陳侯于楚而朝
諸君十四年七月寡君又朝以蘇陳事十五
年五月陳侯自敝邑往朝于君往年正月燭
之武往朝夷也八月寡君又往朝以陳蔡之
密邇於楚而不敢貳焉則敝邑之故也雖敝
邑之事君何以不免在位之中一朝于襄而
再見于君夷與孤之二三臣相及於絳雖我
小國則蔑以過之矣今大國曰爾未逞吾志
敝邑有亡無以加焉古人有言曰畏首畏尾
身其餘幾又曰鹿死不擇音小國之事大國
也德則其人也不德則其鹿也鋌而走險急
何能擇命之罔極亦知亡矣將悉敝賦以待
於儵唯執事命之文公二年六月壬申朝于
齊四年二月壬戌為齊侵蔡亦獲成於楚焉

實去聲

欲昌反 知音 審大音 泰音

大國之間而從於強令豈其罪也大國若弗
圖無所逃命晉鞏朔行成於鄭趙穿公墾池
焉為質

胡傳

宋昭公雖為無道人臣將而必誅春
秋正宋人為弒君之罪所以明人道
之大倫也故大夫無沐浴之請則貶而稱
人諸侯無討賊之功則略而不序不然是
廢君臣之義人欲肆而天理滅
矣故曰春秋成而亂臣賊子懼

秋公至自穀

附錄

左傳秋周其歌敗戎于邾垂乘其飲
酒也○冬十月鄭大子夷石楚為質

于音

冬公子遂如齊

左傳襄仲如齊拜穀之盟復
曰臣聞齊人將食魯之麥以

葉成茂

臣觀之將不能齊君之語偷

臧文仲有言曰民主偷必死

子王十有八年晉靈十二齊懿四弒衛成

曹文九陳靈五杞桓二十八春王二月丁丑

宋文二秦康十二卒楚莊五春王二月丁丑

公薨于臺下左傳春齊侯戒師期而有疾醫

無及期惠伯令龜卜楚丘占之曰齊侯不及

期非疾也君亦不聞令龜有咎二月丁丑公

薨穀梁傳臺秦伯罾卒夏五月戊戌齊

人弒其君商人左傳齊懿公之為公子也與

乃掘而刑之而使歌僕納閭職之妻而使職

駮乘夏五月公游於申池二人浴於池歌以

扑扶職職怒歌曰人奪女妻而不怒一扶女

庸何傷職曰與刑其父而弗能病者何如乃

謀弒懿公納諸竹中歸舍

胡傳按左氏齊懿公即位刑邴歌之父而

人者實弒懿公然則於法宜書曰盜而特

變其詞以為齊人何也亂臣賊子之動於

惡必有其利其所為而與之者人人不利其

所為而莫利其與則孤危獨立無以濟其惡

是以能濟其惡矣惟利其所為而與之者衆

公子商人驟施於國而多聚士盡其家而

貪公子一時之私施不顧君臣萬世之大

刑邴音丙 歌音丙 駮音丙 乘音丙 去聲 七南 反乘 去聲 施盡去 津忍 反貨 音貳 覲音貳 白塞反先

謂按本塞源懲禍亂之所由也故曰春秋

成而亂臣
賊子懼

六月癸酉葬我君文公○秋公子遂叔孫得

臣如齊左傳秋襄仲莊叔如齊惠公立故且

而私事襄仲宣公長而屬諸襄仲襄仲欲

立之叔仲不可仲見于齊侯而請之齊侯新

稱介不正其同倫而相介故列而數之也

胡傳使舉上客將稱元帥此春秋立文之

問者見事情也子赤夫人之子今卒于弒

不著其實是為國諱惡無以傳信於將來

而春秋之大義隱矣故上書大夫並使下

書夫人歸于齊中曰子卒則見禍亂邪謀

遂弒立其君之罪著矣

冬十月子卒左傳冬十月子卒諱之也仲以君

命召惠伯其宰公冉務人止之曰入必死叔

仲曰死君命可也公冉務人曰若君命可死

非君命何聽弗聽乃入殺而埋之馬矢之中

公冉務人奉其帑以奔蔡既而復叔仲氏公

羊傳子卒者孰謂謂子赤也何以不日隱之

也何隱耳弒也弒則何以不日不忍言也穀

梁傳子卒不日故也

胡傳諸侯在喪稱子繼世不忍當也既葬

臣之心也子卒何以不日遇弒不忍言也

既葬而不名不名而遇弒者不日以見其

長上聲屬燭音燭上聲屬燭音燭上聲屬燭音燭

聲為音聲並使上現見音燭上聲屬燭音燭

奴帑音

見音下同現下同聲去聲

春秋左傳卷六

二十

葉再興

甫父音

夫人姜氏歸于齊

左傳大歸也將行哭而過

適音 宣之 惡去 聲下 如字

立庶市人皆哭魯人謂之哀姜穀梁傳惡宣公也有不待貶絕而罪惡見者有待貶絕而惡從之者姪娣者不孤子之意也

胡傳

書夫人則知其正書姜氏則知其非

異於孫于邾者而魯國臣子殺適立庶敬

並見

大音 孫去 音同 下音 現見音

季孫行父如齊○莒弒其君庶其

左傳莒紀公生大子

駝音

僕又生季佗愛季佗而黜僕且多行無禮於國僕因國人以弒紀公以其寶玉來奔納諸

宣公公命與之邑曰今日必達公問其故季文子使

大史克對曰先大夫臧文仲教行父事君之

禮行父奉以周旋弗敢失隊曰見有禮於其

君者誅之如孝子之養父母也見無禮於其

周禮曰則以觀德德以處事事以度功功以

食民作誓命曰毀則為賊掩賊為藏竊賄為

盜盜器為姦主藏之名賴姦之用為大凶德

有常無赦在九刑不忘行父還觀莒僕莫可

則也孝敬忠信為吉德盜賊藏姦為凶德夫

莒僕則其孝敬則弒君父矣則其忠信則竊

寶玉矣其人則盜賊也其器則姦兆也保而

去聲 擣音 頤音 善而皆在於凶德是以去之昔高陽氏有才

子八人蒼舒隤斂擣戴大臨危降庭堅仲容

士廉

桃戴 音衍 龍音 雁降 音杭 音共 音蔡

好聲 魚比 反志 毗本 反本 徒本 反本 舍去 赦去 上聲 音響 音切

叔達齊聖廣淵明允篤誠天下之民謂之八
愷高辛氏有才子八人伯奮仲堪叔獻季仲
伯虎仲熊叔豹季狸忠肅共懿宣慈惠和天
下之民謂之八元此十六族也世濟其美不
隕其名以至於堯堯不能舉舜臣堯舉八愷
使主后土以至於揆百事莫不時序地平天成舉
入元使布五教于四方父義母慈兄友弟恭
子孝內平外成昔帝鴻氏有不才子掩義隱
賊好行凶德醜類惡物頑嚚不友是與比周
天下之民謂之渾敦少皞氏有不才子毀信
廢忠崇飾惡言靖譖庸回服讒蒐慝以誣盛
德天下之民謂之窮奇顛頊氏有不才子不
可教訓不知話言告之則頑舍之則嚚傲狠
明德以亂天常天下之民謂之禱杌此三族
也世濟其凶增其惡名以至于堯堯不能去
縉雲氏有不才子貪于飲食冒于貨賄侵欲
崇侈不可盈厭聚斂積實不知紀極不分孤
寡不恤窮匱天下之民以比三凶謂之饕餮

所數 音媚 音媚 音媚 聲平

舜臣堯賓于四門流四凶族渾敦窮奇禱杌
饕餮投諸四裔以禦魑魅是以堯崩而天下
如一同心戴舜以為天子以其舉十六相去
四凶也故虞書數舜之功曰慎徽五典五典
克從無違教也曰納于百揆百揆叙無廢
事也曰賓于四門四門穆穆無凶人也舜有
大功二十而為天子行父雖未獲一吉人去
一凶矣於舜之功二十之一也庶幾免於戾
乎公羊傳稱國以弒何稱
國以弒者衆弒君之辭
附錄 左傳宋武氏之族道昭公子將奉司
城須以作亂十二月宋公殺母弟須
及昭公子使戴莊桓之族攻武氏于司馬
子伯之館遂出武穆之族使公孫師為司
城公子朝卒使樂呂
為司寇以靖國人

春秋四傳卷之十八

春秋四傳卷之十九

宣公一

公名倭一名接文公妾敬嬴之子夫人穆姜在位十八年諡法

善問周
達曰宣

周

魯宣公二年匡王崩弟定王立

鄭

魯宣公三年穆公卒靈公夷立宣四年靈公弒弟襄公堅立

齊

魯宣公十年惠公卒子頃公無野立

宋

詳見文
公元年

晉

趙盾為政魯宣公二年靈公弒成公黑臀立宣八年卻缺為政宣九年成公卒子景公孺立宣十二年荀林父為政宣十六年士會為政宣十七年卻克為政

春秋左傳卷六

應鍾刊

衛魯宣公九年成公卒子穆公邀立

蔡魯宣公十七年文公卒子景公固立

曹魯宣公十四年文公卒子宣公廬立

陳魯宣公十年靈公弒子成公午立

杞詳見僖公三年

薛詳見僖公二年

莒詳見文公八年

邾詳見文公八年

許魯宣公十七年昭公卒靈公立

小邾詳見僖公八年

楚魯宣公十一年盟辰陵討陳春秋始予楚莊王以伯宣十一年楚孫叔敖為令尹宣十二年敗晉于邲宣十八年莊王卒共王立

秦魯宣公四年共公卒桓公立

吳詳見隱公元年及成公元年

越詳見隱公元年

癸丑五年元年晉靈十三年齊惠公元元年衛成二十七年蔡文四年鄭穆二十年曹文十年陳靈六年杞桓二十九年宋文三年秦共公稻元年楚莊六年春王

正月公即位公羊傳繼弒君不言即位此其言即位何其意也穀梁傳繼故

平聲共音

春秋左傳卷六

一

七

與去聲

而言即位與聞乎故也

胡傳

宣公為弒君者所立受之而不討賊是亦聞乎弒也故如其意焉而書即位以著其自立之罪而不嫌於同辭美一

也有小大則褒詞異惡一也亦有小大則貶詞異一美一惡無嫌於同

公子遂如齊迎女

左傳尊君命也

胡傳

魯秉周禮喪未暮年遣卿逆女何亟乎太子赤齊出也仲遂殺子赤及其

母弟而立宣公懼於見討故結昏于齊為自安計越典禮以逆之如此其亟而不顧者必敬嬴仲遂請齊立接之始謀也其後滕文公定為三年喪父兄百官皆不欲曰吾宗國魯先君莫之行也喪紀浸廢夫豈一朝一夕之故自文宣莫之行矣此所

夫音

不待貶絕而罪惡見者也

三月遂以夫人婦姜至自齊

左傳尊夫人也公羊傳遂何以

不稱公子一事而再見者卒名也夫人何以不稱姜氏貶曷為貶譏喪娶也喪娶者公也則曷為貶夫人內無貶于公之道也內無貶于公之道則曷為貶夫人與公一體也其稱婦何有姑之辭也穀梁傳其不言氏喪未畢故略之也其曰婦緣姑言之之辭也遂之繫由上致之也

胡傳

有不待貶絕而罪惡見者不貶絕以見惡夫人與有罪焉則待貶而後見

故不稱氏夫人其如何知惡無禮如野有死麕能以禮自防如草蟲愆期有待如歸妹之九四則可免矣凡稱婦者其詞雖同立義則異逆婦姜于齊病文公也以婦姜

見音 現下音 同與 音預 困

現

屬音燭音適
衰音適
崔音適

至自齊責敬嬴也敬嬴嬖妾私事襄仲以其子屬之殺世適兄弟出主君夫人援成風故事即以子貴為國君母斬焉在衰服之中請昏納婦而其罪隱而未見也故因夫人至特稱婦姜以顯之此乃春秋推見至隱著妾母當國用事為後世鑒者也槩指為有姑之詞而不察其旨則精義隱矣

夏季孫行父如齊

左傳季文子如齊納賂以請會

胡傳以請會者傳也經有不言其故謂納賂比事以觀斯得矣下書公會齊侯于平州則知此會行父請之也又書齊人取齊西田則知其請蓋以賂也雖微傳其事著矣諸侯立卿為公室輔猶屋之有楹也而謀國如此亦不待貶絕而惡自見者也不然以行父之勤勞恭儉相三君而無私積必

父音甫下
同傳下
去聲
見音現
法音現
子音現

能以其君顯名與晏嬰等矣

晉放其大夫胥甲父于衛

左傳晉人討不用命者放胥甲父于

衛而立胥克先辛奔齊公羊傳放之者何猶曰無去是云爾然則何言爾近正也此其為近正奈何古者大夫已去三年待放君放之非也大夫待放正也古者臣有大喪則君三年不呼其門已練可以弁冕服金革之事君使之非也臣行之禮也閔子要經而服事既而曰若此乎古之道不即人心退而致仕孔子蓋善之也穀梁傳放猶屏也稱國以放放也無罪也

胡傳

放猶羈置母去其所比於專殺者其罪薄乎云爾或以為近正非矣大夫當官既不請於天子而自命以為有罪又不告於司寇而擅刑猶不遠於正乎秦晉

要平聲

呼去聲 音甫 見音

復扶又夫音 扶夫音

戰于河曲撓史駢之謀者趙穿也若討其不用命則當以穿為首止治軍門之呼借其族子而獨放胥甲父則以趙盾當國穿於此矣故稱國以放見晉政之在私門而成上侵為後戒也

公會齊侯于平州左傳會于平州以定公位

胡傳按左氏曰會于平州以定公位魯宣

何位猶未定而有待於平州之會也春秋以來弒君篡國者已列於諸侯則不復致討故曹人以此請負芻于晉夫篡弒之賊毀滅天理無所容於天地之間身無存沒時無古今其罪不得赦也以列於會而不復討是率中國為戎夷棄人類為禽獸此仲尼所為懼春秋所以作也然欲定其位者魯宣宜稱及齊而曰會者討賊之法也

几討亂臣賊子必深絕其黨而後為惡者孤也

公子遂如齊左傳東門襄仲如齊拜成

胡傳宣公篡立之罪仲遂主謀為首惡初

叔孫得臣不能為有無亦從之也大夫有以死爭者矣然削而不書者以叔仲惠伯死非君命失其所也遂及行父則一再見于經矣如齊拜成雖削之可也又再書于策者於以著其始終成就弒立之謀以戒後臣人臣或內交宮禁以固其寵或外結藩鎮以為之援至於殺生廢置皆出其手而人主不悟者其慮深矣凡此皆直書于策而義自見者也

六月齊人取濟西田左傳齊人取濟西之田為立公故以賂齊也

為去聲

使去聲 爭去聲 音甫 見音 同

扶夫音

為去聲 友於聲 豐

羊傳外取邑不書此何以書所以賂齊也曷為賂齊為弒子赤之賂也穀梁傳內不言取言取授之也以是為賂齊也

胡傳

魯人致賂以兔討而書齊人取田者為惡而助之者所以孤其黨夫齊魯鄰國盟主之餘業也子惡弒出姜歸而宣公立不能聲罪致討務寧魯亂首與之會是利其為惡而助之也弒君篡國人道所不容而貨賂公行免於諸侯之計則中國晉為戎夷人類滅為禽獸其禍乃自不知以義為利而以利之可以為利而為之也孟子蓋得經書取田之意舉法如此然後人知保義棄利亂臣賊子孤立無徒而亂少弭矣

為去聲 平聲 共

還音 旋 亟欺 現見真反音

秋邾子來朝○楚子鄭人侵陳遂侵宋

宋人

之弒昭公也晉荀林父以諸侯之師伐宋宋及晉平宋文公受盟于晉又會諸侯于扈將為魯討齊皆取賂而還鄭穆公曰晉不足與也遂受盟于楚陳共公之卒楚人不禮焉陳靈公受盟于晉楚子侵陳遂侵宋穀梁傳遂繼事也

胡傳

楚書爵而人鄭者貶之也鄭伯本以罪晉為不足與也遂受盟于楚今乃附楚以亟病中國何義乎書侵陳遂侵宋者以見潛師掠境肆為侵暴非能聲宋罪而討之也既正此師為不義然後中國之師可舉矣

晉趙盾帥師救陳

左傳晉趙盾帥師救陳 善救陳也

葉松刊

傳去

胡傳 鄭在王畿之內而附蠻夷陳先代帝
禦之者也晉能救陳則存諸夏攘夷狄之
師故特褒而書救凡書救者未有不善之
也如解倒懸如拯民於塗炭之中知此義
則知春秋用兵之意矣傳稱師救陳宋經
不書宋此非闕文乃聖人削之也前方以
今若書救宋則典刑紊矣

宋公陳侯衛侯曹伯會晉師于棐林伐鄭公

斐林左傳會于棐林以伐鄭也楚蔣賈救鄭
遇于北林囚晉解揚晉人乃還公羊傳此晉
趙盾之師也曷為不言趙盾之師君不會大
夫之辭也穀梁傳列數諸侯而會晉趙盾大
趙盾之事也其曰師何也以其大之也于棐
林地而後伐鄭疑辭也此其地何則著其美

數上

也

胡傳

列數諸侯而會晉趙盾穀梁子以為
大趙盾之事以其大之也故曰師此
說非也春秋立法君為重而大夫與師其
體敵列數諸侯於帥師之下而又書大夫
之名氏則臣疑於君而不可以為訓其曰
會晉師此乃謹禮於微之意也其立義精
矣棐林鄭地也前者地而後伐以為疑詞
此其地則以著其美者一美一惡無嫌於
同

數上

冬晉趙穿帥師侵崇

崇公作柳侵書趙穿而
後凡役書大夫左傳晉
欲求成於秦趙穿曰我侵崇秦急崇必救之
吾以求成焉冬趙穿侵崇秦弗與成公羊傳
柳者何天子之邑也曷為
不繫乎周不與伐天子也

春秋左傳卷十九

黃長

謗元反許

見音

燕平

胡傳

崇在西上秦所與也晉欲求成于秦已甚比諸伐楚以救江異矣而傳謂設此謀者趙穿也意者趙穿已不逆心欲得兵權托於伐國以用其衆乎不然何謀之迂而當國者亦不裁正而從之也穿之名姓自登史策弒君于桃園而上卿以志同受惡其端又見於此書侵以見所以求成者非其道矣

晉人宋人伐鄭

左傳晉人伐鄭以報北林之驟諫而不入故不競於楚

胡傳

宋人弒君既列於會任春秋衰世也固在法所不赦也而晉人與之合兵伐鄭是謂以燕伐燕庸愈乎其書晉人宋人非

將去

甲寅 二年

將卑師少蓋賤而人之也以賤書伐者若日聲罪致討而已有殺則何以伐人矣

文十一陳靈七杞桓三十 春王二月壬子宋

華元帥師及鄭公子歸生帥師戰于大棘宋

師敗績獲宋華元

戰皆書大夫帥師自此始

于楚伐宋宋華元樂呂御之二月壬子戰于

大棘宋師敗績囚華元獲樂呂及甲車四百

六十乘俘二百五十人馘百人狂狡輅鄭人

禮違命宜其為禽也戊昭果毅以聽之謂

禮殺敵為果致果為毅易之戮也將戰華元

殺羊食上其御羊斟不與及戰曰疇昔之羊

子為政今日之事我為政與入鄭師故敗君

華去聲 乘去聲 古獲 聲去聲 反獲 音去聲 老反 既反 食反 之反 音反 預

春秋左傳卷之七

七

黃長

同聲將反乃反徐西犀去反扶婆舖板牌吏植音同聲乘額進
下去多那獲兕音聲乘又復音反尸反直賊牂下去反勅

子謂羊斟非人也以其私憾敗國殄民於是
刑執大馬詩所謂人之無良者其羊斟之謂
乎殘民以逞宋人以兵車百乘文馬百駟以
贖華元于鄭半入華元逃歸立于門外告而
入見叔牂曰子之馬然也對曰非馬也其人
也既合而來奔宋城華元為植巡功城者謳
曰聃其目蹇乘謂之曰牛則有皮犀兕尚多
復來使其驂乘謂之曰牛則有皮犀兕尚多
棄甲則那役人曰從其有皮丹漆若何華元
曰去之夫其口衆我寡穀梁傳獲者不與之
辭也言盡其衆以救其將也以
三軍敵華元華元雖獲不病矣

胡傳

師等也故將尊師少稱將不稱師衆將
卑稱師不稱將將尊師衆並書于策者示
人君不可輕役大衆又重將帥之選其義
深矣或曰元帥三軍之司命而輕重若是

將遠
喪並
去聲

秦師伐晉

左傳秦師伐晉以
報崇也遂圍焦

胡傳

按左氏以報崇也遂圍焦晉用大師
於崇乃趙穿私意而無名也故書侵

為去
聲

見音
現情
模總
反

秦人為是興師而報晉則問其無名之罪
也故書伐世豈有欲求成於強國而侵其
所與可以得成者乎穿之情見矣宣子當
國筭無遺策獨憤於此哉其從之也而盾
之情亦見矣春秋書事筆削因革必有以
也一侵一伐而不書圍焦所以誅晉卿上
侵之意其所
由來者漸矣

夏晉人宋人衛人陳人侵鄭左傳夏晉趙盾救焦遂自陰地

及諸侯之師侵鄭以報大棘之役楚鬬椒救鄭曰能欲諸侯而惡其難乎遂次于鄭以待晉師趙盾曰彼宗競于楚殆將斃矣姑益其疾乃去之

胡傳

按左氏晉趙盾及諸侯之師侵鄭以報大棘之役初鄭歸生受命于楚以

伐宋經不書伐而以宋華元主大棘之戰者蓋楚人有詞于宋矣師之老壯在曲直晉主夏盟盾既當國合諸侯之師何畏乎楚何避乎鬬椒然力非不足而去之者以理曲也故卿不氏而稱人師書侵而不言伐易於訟卦之象曰君子作事謀始始而不謀將至於與師動衆有不能定者矣晉惟取賂釋宋而不討至以中國之大不能服鄭不競於楚可不慎乎春秋行事必正其本為末流之若此也其垂戒明矣

惡難 聲去 華戶 化反 為去 聲

秋九月乙丑晉趙盾弑其君夷臯

臯公作倻左傳晉靈

公不君厚斂以彫牆從臺上彈人而觀其辟九也宰夫肺熊蹯不熟殺之寘諸畚使婦人載以過朝趙盾士季見其手問其故而患之將諫士季曰諫而不入則莫之繼也會請先不入則子繼之三進及溜而後視之曰吾知所過矣將改之稽首而對曰人誰無過過而能改善莫大焉詩曰靡不有初鮮克有終夫如是則能補過者鮮矣君能有終則社稷之固也豈唯羣臣賴之又曰哀職有闕唯仲山甫補之能補過也君能補過衮不廢矣猶不改宣子驟諫公患之使鉏麇賊之晨往寢門關矣盛服將朝尚早坐而假寐麇退嘆而言曰不忘恭敬民之主也賊民之主不忠棄君之命不信有一於此不如死也觸槐而死秋九月晉侯飲趙盾酒伏甲將攻之其右提彌明知之趨登曰臣侍君宴過三爵非禮也遂

飲去 聲 鉏音反 俱反 麇音 反 聲 夫音 扶 上 聲 鮮 上 反 力 同 音 潮 朝 音 如 音 避 音 去

熊楚刻

嗾夫音五 雙扶音反 音五 扶夫音 雙扶音反 音五 扶夫音

扶以下公嗾夫爇焉明搏而殺之盾曰棄人
用犬雖猛何為鬪且出提彌明死之初宣子
田於首山舍于翳桑見靈輒餓問其病曰不
食三日矣食之舍其半問之曰宦三年矣未
知母之存否今近焉請以遺之使盡之而為
之簞食與肉冀諸橐以與之既而與為公介
倒戟以禦公徒而免之問何故對曰翳桑之
餓人也問其名居不告而退遂自亡也乙丑
趙穿攻靈公於桃園宣子未出山而復大史
書曰趙盾弑其君以示於朝宣子曰不然對
曰子為正卿亡不越竟反不討賊非子而誰
宣子曰烏呼我之懷矣自貽伊戚感其我之謂
矣孔子曰董狐古之良史也書法不隱趙宣
子古之良大夫也為法受惡惜也越竟乃免
宣子使趙穿逆公子黑臀于周而立之壬申
朝于武宮穀梁傳穿弑也盾不弑而曰盾弑
何也以罪盾也其以罪盾何也曰靈公朝諸
大夫而暴彈之觀其辟丸也趙盾入諫不聽

出亡至於郊趙穿弑公而後反趙盾史狐書
賊曰趙盾弑公盾曰天乎天乎予無罪孰為
盾而忍弑其君者乎史狐曰子為正卿入諫
不聽出亡不遠君弑反不討賊則志同志同
則書重非子而誰故書之曰晉趙盾弑其君
夷臯者過在下也曰於盾也見忠臣之至於
許世子止見

胡傳

趙穿手弑其君董狐歸獄於盾其斷
盾之獄詞曰子為正卿亡不越竟反
不討賊以是書斷而盾也受其惡而不敢
辭仲尼因其法而不之革其義云何曰正
卿當國任事之臣也國事莫酷於君見弑
不於其身而誰責乎亡而越境謂去國而
不還也然後君臣之義絕反而討賊謂復
讎而不釋也然後臣子之事終不然盾
偽出而實聞乎故也假令不與聞者而縱
賊不討是有今將之心而意欲穿之成乎

斷亂下 同反都 去聲與平 聲與平

春秋左傳卷九

餘

亦碎
反毗

樂音
幾平

驪音
適音
行音
音嬌

弑矣惡莫慘乎意今以此罪盾乃閑臣子
之邪心而謹其漸也盾雖欲辭而不受可
乎以高貴鄉公之事觀焉抽戈者成濟唱
謀者賈充而當國者司馬昭也為天吏者
將原司馬昭之心而誅之乎亦將致辟成
濟而足也故陳泰曰惟斬賈充可以少謝
天下耳昭問其以意而盾為首惡春秋
指昭也然則趙穿弑君而盾為首惡春秋
之大義明矣微夫子推見至隱垂法後世
亂臣賊子皆以詭計獲免而至愚無知如
史太鄧扈樂之徒皆蒙歸獄而受戮焉君
臣父子不相夷以至於禽獸也幾希故曰
春秋成而亂臣賊子懼

附錄

左傳初驪姬之亂詛無畜羣公子自
適子而為之田以為公族又宦其餘子亦
為餘子其庶子為公行晉於是其公族餘

冬十月乙亥天王崩

乙卯定王三年晉成公黑臀元年齊惠三衛成
元年二十九蔡文六年鄭穆二十二卒

曹文十二陳靈八杞桓三十
一宋文五秦共三楚莊八 **春王正月郊牛**

之口傷改卜牛牛死乃不郊

公羊傳其言之
何緩也曷為不

復卜養牲養二卜帝牲不吉則拔稷牲而卜
之帝牲在于滌三月於稷者唯具是視郊則
曷為必祭稷王者必以其祖配王者則曷為
必以其祖配自內出者無匹不行自外至者
無主不止穀梁傳之口緩辭也傷自牛作也
改卜牛牛死乃不郊事之變也乃者亡乎人

也之辭

胡傳

乃不郊為牛之口傷改卜牛而牛又死也不然郊矣禮為天王服斬衰周人告喪于魯史策已書而未葬也祀帝于郊夫豈其時而或謂不以王事廢天事禮乎春秋已來喪紀浸廢有不奔王喪而遠適他國有不脩弔禮而自相聘問固將以是為可舉而不廢也卒至漢文以日易月後世不能復其所由來漸矣春秋備書其義自見

猶三望

左傳不郊而望皆非禮也望郊之屬也不郊亦無望可也

胡傳

三望者公羊曰祭泰山河海夫天子有天下凡宇宙之內名山大川皆其所主也故得祭天而有方望無所不通諸侯有一國則境外之山川他人所主者而

音韻

葬匡王

可以望乎季氏旅於泰山冉求不能救而夫子責之者為泰山魯侯所主也大夫何與焉季氏不得祭亦明矣猶者可已不當為之詞

胡傳

四月而葬王室不君其禮略也微者往會魯侯不臣其情慢也或曰宣公親之者也而常事不書非矣崩葬始終之大變豈以是為常事而不書也

附錄

左傳晉侯伐鄭及鄭鄭及晉平士會入盟

楚子伐陸渾之戎

渾戶門反公作賁渾戎后同穀無之字左傳楚子伐

陸渾之戎遂至於雒觀兵於周疆定王使王孫滿勞楚子楚子問鼎之大小輕重焉對曰

去聲

延鄭音

范一即

扶夫反七同聲為扶音雷衰下去

現見音

扶夫音

知反

唇音

音

聲處上

春秋傳卷九

廿

在德不在鼎昔夏之方有德也遠方圖物貢金九牧鑄鼎象物百物而為之備使民知神能逢之入川澤山林不逢不若罔聞兩莫鼎遷于商載祀六百商紂暴虐鼎遷于周德之休明雖小重也其姦回昏亂雖大輕也天祚明德有所底止成王定鼎于郊鄆上世三十卜年七百天所命也周德雖衰天命未改鼎之輕重未可問也

胡傳

夷狄相攻不志此其志何也為陸渾也楚又至洛觀兵于周疆問鼎之大小輕重焉故特書于策以謹華夷之辨禁猾夏之階

夏楚人侵鄭

左傳鄭即晉故也

音

胡傳

按左氏晉侯伐鄭鄭及晉平而經不取賂釋賊為不足與似也而往從楚非矣今晉成公初立背僭竊偽邦而歸諸夏則是反之正也春秋大改過許遷善書楚人侵鄭者與鄭伯之能反正也故獨著楚人侵掠諸夏之罪爾鄭既見侵於楚則及晉平可知矣

秋赤狄侵齊

赤狄始

○宋師圍曹

左傳宋文公即位三

年殺母弟須及昭公子武氏之謀也使戴桓之族攻武氏于司馬子伯之館盡逐武穆之族武穆之族以曹師伐宋秋宋師圍曹報武氏之亂也

胡傳

按左氏宋文公即位盡逐武穆之族以見逐而舉兵非討罪也及宋師圍曹報武氏之亂而經書之者端本清源之意

范師

也武穆二族與曹之師奚為至於宋哉不能反躬自治恃衆強以報之兵革何時而息也宋惟有不救之罪莫之治也故書法如此

冬十月丙戌鄭伯蘭卒

左傳冬鄭穆公卒初鄭文公有賤妾曰燕

燕平 聲乙 其反 音已 儻音 儻音 危反 九 嬌反 九 朝音 葉 舒涉 反惡 去聲

姑夢天使與已蘭曰余為伯儻余而祖也以是為而子以蘭有國香人服媚之如是既而文公見之與之蘭而御之辭曰妾不才幸而有子將不信敢微蘭乎公曰諾生穆公名之曰蘭文公報鄭子之妃曰陳嬌生子華子臧子臧得罪而出誘子華而殺之南里使盜殺子臧于陳宋之間又娶于江生公子士朝于楚人酖之及葉而死又娶于蘇生子瑕子俞彌俞彌早卒洩駕惡瑕文公亦惡之故不立也公逐羣公子于蘭奔晉從晉文公伐鄭石癸曰吾聞姬姑耦其子孫必蕃姑吉人也后稷之元妃也今公子蘭姑甥也天或啓

大音 秦

之必將為君其後必蕃先納之可以亢寵與孔將鉏侯宣多納之盟于大宮而立之以與晉平穆公有疾曰蘭死吾其葬鄭穆公

丙定王四年 晉成二齊惠四衛成三十蔡文

陳靈九杞桓三十二宋 春王正月公及齊侯

向式 亮反 下同

平莒及邾莒人

左傳非禮也平國以

禮不以亂伐而不治亂也以亂平亂何治之有無治何以行禮公羊傳此平莒也其言不肯何辭取向也穀梁傳及者內為志焉爾平者成也不肯者可以肯也伐猶可取向甚矣莒人辭不受治也伐莒義兵也取向非也乘義而為利也

胡傳

心不偏黨之謂平以此心平物者物必順以此心平怨者怨必釋惟小人

春秋傳卷十九

趙

兼伯應

強上
聲夫
音扶

不能宅心之若是也雖以勢力強之而有
不獲成者矣夫以齊魯大國平鄰莒小邦
宜其降心聽命不待文告之及也然而莒
人不肯則以宣公心有私係失平怨之
木耳故書取以著其罪及所欲也平者成
也取者盜也不肯者心弗允從莫能強之
者也以利心圖成雖強大不能行之於弱
小春秋書此戒後世之不知治其本者故
行有不得者反
求諸已斯可矣

秦伯稻卒○夏六月乙酉鄭公子歸生弑其

君夷

左傳楚人獻鼃於鄭靈公公公子宋與子

現見音
及食
音飼
畜許
又反

家將見子公之食指動以示子家曰他
日我如此必掌異味及入宰夫將解鼃相視
而笑公問之子家以告及食大夫鼃召子公
而弗與也子公怒染指於鼎掌之而出公怒
欲殺子公子公與子家謀先子家曰畜老翁

去長
並上
聲

夫音
扶

憚殺之而况君乎反譖于家子家懼而從之
夏弑靈公書曰鄭公子歸生弑其君夷權不
足也君子曰仁而不武無能達也凡弑君稱
君君無道也稱臣臣之罪也鄭人立子良辭
曰以賢則去疾不足以順則公子堅長乃立
襄公襄公將去穆氏而舍子良子良不可曰
穆氏宜存則固願也若將亡之則亦
皆亡去疾何為乃舍之皆為大夫

胡傳

首謀弑逆者公于宋也懼譖而使之

亂臣賊子欲動其惡而不從者未有能全
其身而不死也故季子然問仲由冉求其
從之者歟子曰弑父與君亦不從也是以
死節許二子矣歸生懼譖而從公子宋特
無求路不可奪之死節耳書為首惡不亦
過乎曰歸生與宋並為大夫乃貴戚之卿
同執國政可以不從一也嘗統大師與宋
戰獲其元帥已得兵權可以不從二也聞

比去聲夫下音扶

宋逆謀登時而覺先事誅之猶反手耳夫據殺生之柄仗大義以制人使人聽已猶犬羊之伏於虎也何畏於人懼其見殺而從之也哉計不出此顧以畜老憚殺比方君父歸生之心悖矣故春秋捨公子宋而以弑君之罪歸之為後世鑒若司馬亮沈慶之等苟知此義則能討罪人不至於失身為賊所制矣

赤狄侵齊○秋公如齊公至自齊

胡傳君行告至常事不書宣公比年如齊而皆致者危之也夫以篡弑謀於齊而取國以土地賂齊而請會以卑屈事齊而求安上不知有天王下不知有方伯惟利交是奉而可保乎高固之事亦殆矣故比年如齊而皆致以戒後世之欲利有彼往者惟義之與比為可安耳

去聲般去聲班去聲惡音去聲語去聲處音去聲上音去聲致音去聲滋音去聲音去聲虎音去聲射音去聲反音去聲石音去聲末音去聲他音去聲未音去聲著音去聲入音去聲音去聲却音去聲音去聲云音去聲

附錄

左傳初楚司馬子良生子越椒子文之聲弗殺必滅若敖氏矣諺曰狼子野心是乃狼也其可畜乎子良不可子文以為大感及將死聚其族曰椒也知政乃速行矣無及於難且泣曰鬼猶求食若敖氏之鬼不其餒而及令尹子文卒鬪般為令尹子越為司馬薦賈為工正譖子揚而殺之若敖氏之族圉伯贏於轅陽而殺之遂處烝野將攻王王以三王之子為質焉弗受師于漳澨秋七月戊戌楚子與若敖氏戰于臯許伯棼射王汰輈及鼓附著於丁寧又射汰輈以貫笠輈師懼退王使巡師曰吾先君文王克息獲三矢焉伯棼竊其二盡於是矣鼓而進之遂滅若敖氏初若敖娶於邲生鬪伯比若敖卒從其母畜於邲淫於邲子之女生子文焉邲夫人使棄諸

張鏡刊

夢平聲反於口
聲反於口
音為反於
菀音為反於
徒妻音為反於
去聲反於
箴反於
金反於

夢中虎乳之邾子田見之懼而歸夫人以告遂使收之楚人謂乳穀謂虎於菀故命之曰鬪穀於菀以其女妻伯比實為令尹子文其孫箴尹克黃使於齊還及宋聞亂其人曰不可以入矣箴尹曰棄君之命獨誰受之君天也天可逃乎遂歸復命而自拘於司敗王思子文之治楚國也曰子文無後何以勸善使復其所改命曰生子

冬楚子伐鄭

左傳鄭未服也

丁定王五年

晉成三齊惠五衛成三十一蔡文八鄭襄公堅元年曹文十四

陳靈十杞桓三十三宋文

春公如齊左傳公如齊高

固使齊侯止

夏公至自齊左傳書 ○秋九月

齊高固來逆子叔姬

左無子字左傳齊高固來逆女自為也故書曰

逆叔姬卿自逆也穀梁傳諸侯之嫁子於大夫主大夫以與之來者接內也不正其接內故不與夫婦之稱也

胡傳

按左氏公如齊高固使齊侯止公請叔姬焉書夏公至自齊秋齊高固來

別列必反
音潮朝去
扶音潮朝去
幾平聲強平
上聲強平
說音遠
悅音遠
去聲遠

逆子叔姬罪宜公也其曰來者以公自為之主稱子者或謂別於先公之女也諸侯嫁女於大夫主大夫以與之者為體敵也而公自為之主壓尊毀列早朝廷慢宗廟矣夫以鄭國禘小楚公子圍之貴驕強大來娶于鄭子產辭而卻之使館于外欲野賜之幾不得撫有其室而宣公以魯國周公之後逼於高固請婚其女強委禽焉而不能止惟不知以禮為守身之幹是以得此辱也春秋詳書為後世鑒欲人之必謹於禮以定其位不然卑異妄說不近於禮奚足遠恥辱哉

宋水知得卷十九

六

張錢刊

叔孫得臣卒

現見音

胡傳

內大夫卒無有不日者以春秋魯史也其或不日則見恩數之略爾仲遂

如齊謀弑子赤叔孫得臣與之偕行在宣公固有援立之私其恩數豈略而不書日

是聖人削之也君臣父子妃妾適庶人道之大倫也方仲遂以殺適立庶往謀於齊

而與得臣並使也若惜然不知其謀或知之而不能救則將焉用彼相矣春秋治子

赤之事專在仲遂以其內交宮禁外結強鄰大惡無所分也而叔孫得臣有同使于

齊之罪故特不書日以貶之若曰大夫而不能為有無者不足以加恩數云爾

冬齊高固及子叔姬來

左傳冬來反馬也公羊傳何言乎高固之

為去聲與

來言叔姬之來而不言高固之來則不可予公羊子曰其諸為其雙雙而俱至者與

適下音 婦下音 同音 模使 去聲 馬音 烟相 去聲

現使 去聲

傳及者及吾子叔姬也為使來者不使得歸之意也

胡傳

左氏曰反馬也禮嫁女留其送馬不固親來非禮也又禮女子有行遠父母者

歲一歸寧今見逆逾時未易歲也而叔姬亟來亦非禮也故書及書來以著齊罪也

大夫適他國必有君命與公事否則禮法之所禁而可犯乎惠公許其臣越禮恣行

而莫遏高固委其君踰境自如而不忌則人欲已肆矣凡婚姻常事不書而

書此者則以為非常為後世戒也

楚人伐鄭

左傳楚子伐鄭陳及楚平晉荀林父救鄭伐陳

戊午定王六年

晉成四衛成三十二蔡文九鄭襄二曹文十五陳靈十

一杞桓三十四宋文

春晉趙盾衛孫免侵陳

春秋列傳卷十九

禮高如

父音 甫

又復扶反

潮朝音 同處下音 樂上聲 洛荷音 何可音 反本音

左傳春晉衛侵陳陳即楚故也公羊傳趙盾弑君此其復見何親弑君者趙穿也親弑君者趙穿則曷為加之趙盾不討賊也何以謂之不討賊晉史書賊曰晉趙盾弑其君夷律趙盾曰天乎無辜吾不弑君誰謂吾弑君者乎史曰爾為仁為義人弑爾君而復國不討賊此非弑君如何趙盾之復國奈何靈公為無道使諸大夫皆內朝然後處乎臺上引彈而彈之已趨而避丸是樂而已矣趙盾已朝而出與諸大夫立於朝有人荷畚自閨而出者趙盾曰彼何也夫畚曷為出乎閨之不

春秋左傳卷十九

六

易去聲 又復扶反

燭屬羔葵 首反五

無人閨焉者上其堂則無人焉俯而闕其戶方食魚殮勇士曰嘻子誠仁人也吾入子之堂則無人焉是子之易也子為晉國重卿而食魚殮是子之儉也君將使我殺子吾不忍殺子也雖然吾亦不可復見吾君矣遂刎頸而死靈公聞之怒滋欲殺之甚眾莫可使往者於是伏甲于宮中召趙盾而食之趙盾之車右祈彌明者國之力士也佗然從乎趙盾而入放乎堂下而立趙盾已食靈公謂盾曰吾聞子之劔蓋利劔也子以示我吾將觀焉趙盾起將進劔祈彌明自下呼之曰盾食飽則出何故拔劔於君所趙盾知之躊躇而走靈公有周徇謂之葵呼葵而屬之葵亦躊躇而走而從之祈彌明逆而竣之絕其領趙盾顧曰君之葵不若臣之葵也然而宮中甲鼓而起有起于甲中者抱趙盾而乘之趙盾顧曰吾何以得此于子曰子某時所食活我于暴桑

春秋左傳卷十九

六

士廉書

悅說音

傳去聲甫

治平不治將去聲

下者也趙盾曰予名為誰曰吾君孰為介子
之乘矣何問吾名趙盾驅而出眾無留之者
趙穿緣民衆不說起弒靈公然後迎趙盾而
入與之立于朝而立成公黑臀穀梁傳此帥
師也其不言帥師何也不正
其敗前事故不與帥師也
胡傳按傳稱陳及楚平荀林父伐陳經皆
及楚平可知矣以下書晉衛加兵于陳即陳
無詞可稱亦可知矣以趙盾孫免書侵即林父
人不治反其智晉嘗命上將帥師救陳又
再與之連兵伐鄭今而即楚無乃於已有
闕盍亦自反可也不內省德遽以兵加之
則非義矣故林父不書伐而盾免書侵以
正晉人所以主
盟非其道也

夏四月

行音

附錄

左傳夏定王使子服求后于齊○秋
赤狄伐晉圍懷及邢丘晉侯欲伐之
中行桓子曰使疾其民以盈其貫將
可殪也周書曰殪戎殷此類之謂也

秋八月螽

胡傳

傳謂螽為穀災虐取於民之效也先
是公伐莒取向後再如齊伐萊軍旅
數起賦歛既繁戾氣應之矣夫善惡之感
萌於心而災祥之應見於事宜公不知舍
惡遷善以補前行之愆而用兵不息災異
數見年穀不豐國用空乏卒至於改助法
而稅民蓋自此始矣經於螽螟一物之變
必書于策示後世天人感應之理不可誣
當慎其所感也

冬十月

向式亮反數下音期同應去聲夫音現音扶夫音現音下音同舍上音行去聲並

召寔
照反
曼音
萬還
音旋
間去
聲

附錄

左傳冬召桓公逆王后于齊○楚人伐鄭取成而還○鄭公子曼滿與王子伯廖語欲為卿伯廖告人曰無德而貪其在周易豐三三之離三弗過之矣間一歲鄭人殺之

春秋四傳卷之十九

春秋四傳卷之二十

宣公二

己定王七年晉成五齊惠七衛成三十三蔡文十鄭襄三曹文十六陳靈十

二杞桓三十五宋文春衛侯使孫良夫來盟

九秦桓三楚莊十二左傳春衛孫桓子來盟始通且謀會晉也穀梁傳來盟前定也不言及者以國與之不言其人亦以國與之不前定之盟不日

其日

胡傳

來盟為前定者嘗有約言矣未足効信而釋疑又相歆血固結之爾是盟也必有疑焉而衛侯任其無咎故遣良夫來為此盟而公卒見辱盟非春秋之所貴義自見矣

為去聲
見音現

與去聲

夏公會齊侯伐萊

左傳不與謀也凡師出與謀曰及不與謀曰會

夏文德刊

秋公至自伐萊大旱

向式亮反

胡傳

及者內為志會者外為主平莒及鄭公所欲也故書及繼以取向即所欲

乾音干

者可知矣伐萊齊志也故書會繼以伐致即師行之危亦可知矣公與齊侯俱不務德合黨連兵恃強陵弱是以為此舉也軍旅之後必有凶年言民以征役怨咨之氣感動天變而旱乾作矣其以大旱書者或不雩或雖雩而不雨也不雩則無恤民憂國之心雩而不雨格天之精意闕矣

附錄

左傳赤狄侵晉取向陰之禾

冬公會晉侯宋公衛侯鄭伯曹伯于黑壤

及晉平公子宋之謀也故相鄭伯以會冬盟于黑壤王叔桓公臨之以謀不睦晉侯之立也公不朝焉又不使大夫聘晉人止公于會盟于黃父公不與盟以賂免故黑壤之盟不書諱之也

胡傳

會而不得見不以不得見為諱盟而不與盟不以不與盟為諱則曲不在

公而主會盟者之罪耳與於會不與於盟而公有歎焉非主會盟者之過也則書會不書盟若黑壤是也晉侯之立公既不朝又不使大夫聘而每歲適齊是宣公行有不慊於心而非晉人之咎矣凡不直者臣為君隱子為父隱於以養臣子愛敬之心而不事盟主又以賂免則不直在已矣

庚申定王八年

晉成六齊惠八衛成三十四蔡文十一鄭襄四曹文十七陳靈

與去聲 同聲下 歎苦 朝音 朝音 朝音 劫反 為去聲

十三杞桓三十六宋文
十秦桓四楚莊十三
春公至自會○夏六

月公子遂如齊至黃乃復公羊傳其言至黃

言乎有疾乃復譏何譏爾大夫以君命出聞喪徐行而不返穀梁傳乃者亡乎人之辭也復者事畢也不專公命也

胡傳

至黃乃復壅君命也有疾亦不復可乎大夫以君命出聞喪徐行而不返

未致事而死以尸將事楚伐吳陳侯使公孫貞子往弔及良而卒將以尸入吳人辭焉上介芋尹蓋曰寡君使蓋備使弔君之下吏無祿使人逢天之感大命隕墜絕世于良廢日供積一日遷次今君命逆使人曰無以尸造于門是我寡君之命委于草莽也無乃不可乎吳人不敢辭君子以為知禮乃者無其上之詞其曰復事未畢也

備使 之使 去聲 下同 積音 造 七到 反

辛巳有事于大廟仲遂卒于垂

大音泰公仲遂者何

公子遂也何以不稱公子貶曷為貶為弒子赤貶然則曷為不於其弒焉貶於文則無罪於子則無年穀梁傳為若反命而後卒也此公子也其曰仲何也疏之也何為疏之也是不卒者也不疏則無用見其不卒也則其卒之何也以譏乎宣也其譏乎宣何也聞大夫之喪則去樂卒事

胡傳

有事言時祭此公子遂也曷為書卒以

事之變卒之也古者諸侯立家大夫卒而賜氏其後尊禮權臣寵遇貴戚而不由其道於是乎有生而賜氏其在魯則季友仲遂是也襄仲殺惡及視援立宣公而宣公深德之故生而賜氏使世大夫以答之也經於其卒書族以志變法之端為後世戒

去起 呂反

春秋公羊傳卷三

三

陸毛刊

大音 泰 籥 略 下同

壬午猶繹萬入去籥

左傳有事於大廟襄仲卒而繹非禮也公羊傳

籥者何祭之明日也

籥舞也其言萬入去籥何去其有聲者廢其籥舞也

無聲者存其心焉

爾存其心焉爾者何知其不可而為之也猶者何通可以已也

猶者可以已之辭也

繹者祭之旦日之享賓也萬入去籥以其為之變譏之也

胡傳

繹者祭之明日以賓尸也猶者可以已之辭萬舞也以其無聲也故入而遂

用籥管也

以其有聲也故去而不作是謂故知不可存其邪心而不能格也禮大夫

卒當祭則不告終事

而聞則不繹者全始終之恩盡肅敬之誠於宗廟不繹者全始終之恩

於臣子今仲遂國卿也

卒而猶繹則失寵遇大臣之禮矣春秋雖隆君抑臣而體貌

有加焉則廉陛益尊

而臣節礪後世法家專欲隆君而不得其道至以犬馬國人相

視大倫滅矣聖人書法如此存君臣之義也

戊子夫人嬴氏薨

公穀作熊氏

胡傳

敬嬴文公妾也何以稱夫人自成風聞季友之繇事友而屬其子及僖公

得國立以為夫人

於是乎嫡妾亂矣春秋於風氏凡始卒四貶之則禘于太廟秦人

歸祿榮叔舍期召伯會葬

去其姓不稱夫人王再書而無天是也敬嬴又嬖私事

襄仲而屬宣公不待致于太廟

援例以立則從同同而無貶矣其意若曰以義起禮

為可繼苟出於私情而非義

後雖欲正可若何

晉師白狄伐秦

白狄始見經左傳春白狄及晉平夏會晉伐秦晉人獲秦

謀殺諸絳市

六日而蘇

春秋傳卷三

四

陸毛刊

錄直 救反 屬音 燭音 舍去 聲鳳 芳鳳 反召 音邵 去上 聲

協徒 謀反

復又惡聲為音聲惡又復扶

還旋音

與音

被皮寄反

胡傳 晉主夏盟糾合諸侯攘夷狄安諸夏
乃其職矣秦人之怨起自侵崇其曲
在晉責已可也既不知自反釋怨脩睦以
補前過已可咎矣乃復興師動眾會戎狄
以伐之獨不惡傷其類
乎直書于策貶自見矣

楚人滅舒蓼 公作舒鄆
左傳楚為眾舒叛故
伐舒蓼滅之楚子疆之及滑汭

盟吳越而還

胡傳 按詩稱戎狄是膺荆舒是懲在周公
所懲者其自相攻滅中國何與焉然

春秋書而不削者是時楚人疆舒蓼及滑
汭盟吳越勢益强大將為中國憂而民有
被髮左衽之患矣經斯世者當以為懼
有攘却之謀而不可忽則聖人之意也

秋七月甲子日有食之既

附錄

左傳晉胥克有蠱疾卻缺為
政秋廢胥克使趙朔佐下軍

冬十月己丑葬我小君敬嬴
敬嬴公穀作頃
熊左傳葬敬嬴

旱無麻始用葛弗

胡傳

成風薨以夫人葬以小君將祔于廟
而始有二夫人也則四貶之以正其

事今敬嬴亦薨以夫人葬以小君使祔于
廟無貶以正之從同同可也而於宣公元
年即以所逆穆姜婦之何也曰婦有姑之
詞見敬嬴遂以子貴援例而亟立為夫人
也僖公享國八年然後致成風而敬嬴之
亟也雖云援例魯君臣之責亦可知矣無
貶而書法若此者猶桓
宣弒君而書即位爾

雨不克葬庚寅日中而克葬
左傳雨不克葬
禮也禮卜葬先

見音

附音

避音

燭音

傳去

聲

見音

音

反

扶

反

去

遠日辟不懷也公羊傳頃熊者何宣公之毋也而者何難也乃者何難也曷為或言而或言乃乃難乎而也穀梁傳葬既有日不為雨止禮也雨不克葬喪不以制也而緩辭也足乎日之辭也

胡傳

敬嬴以其子宣公屬諸襄仲殺太子也經書子赤卒夫人姜氏歸于齊其文無貶而讀者有傷切之意焉則以乘彝不可滅也傳謂哭而過市市人皆哭敬嬴逆天理拂人心之狀慘矣其於終事雨不克葬著咎微焉而謂無大道乎此皆直書以見人心與天理之不可誣者也夫喪事即遠有進無退浴于中雷飯于牖下小斂于尸內大斂于阼階殯于客位遷于廟祖于庭崩于墓以弟賓則其退有節以虞事則其祭有時不為雨止禮也雨不克葬喪不以

制也或曰卜葬先遠日所以避不懷也諸侯相朝與旅見天子入門而雨霑服失容則廢矧送終大事人情所不忍遽者反可冒雨不待成禮而葬乎潦車載簣笠士喪禮也有國家者乃不能為雨備何也且公庭之於墓次其禮意固不同矣不得不可以為悅無財不可以為悅得之為有財古之人皆用焉而不能為之備是儉其親也不亦薄乎故穀梁子曰雨不克葬喪不以制也厚葬古人之所戒而墨之治喪也以薄又君子之所不與故喪事以制春秋之旨也

城平陽

左傳書

○楚師伐陳

左傳陳及晉平楚師伐陳取成

而

辛酉 定王九年

晉成七卒齊惠公九衛成三十卒蔡文十二鄭襄五曹文十

春秋傳卷三十一

六

劉南刊

八陳靈十四杞桓三十七宋春王正月公如

齊公至自齊○夏仲孫蔑如京師左傳春王使來徵聘

夏孟獻子聘于周王以為有禮厚賄之

胡傳以淺言之屬辭比事春秋教也當歲首月公朝于齊夏使大夫聘于京師

此皆比事可攷不待貶絕而惡自見者也

又再朝矣經於如齊每行必致深罪之也

天下皆賢之况春秋時乎而宣公不能也

故聘觀之禮廢則君臣之位失諸侯之行

惡而倍畔侵陵之敗起矣此經書君如齊

臣如周之意而特書王正月以表之也

齊侯伐萊○秋取根牟左傳言易也公羊傳根牟者何邾婁之邑

也曷為不繫乎○八月滕子卒昭公也子邾婁諱亟也

九月晉侯宋公衛侯鄭伯曹伯會于扈晉荀

林父帥師伐陳

胡傳按左氏討不睦也陳侯不會荀林父

經所書者與晉罪陳之詞也會于扈以待

陳而陳侯不會然後林父以諸侯之師伐

之也則幾於自反而有禮矣不書諸侯之

師而曰林父帥師者在會諸侯皆以師聽

命而林父兼將之也則其衆輯矣晉主夏

盟又嘗救陳所宜與也而惟楚之即夫豈

辛酉晉侯黑臀卒于扈左傳會于扈討不睦也陳侯不會晉侯林

音潮明去濁音
音現見音聲比音

去

音南父音
音旋還音

音將去聲
音扶夫聲

竟境同

父以諸侯之師伐陳晉侯卒于扈乃還公羊傳扈者何晉之邑也諸侯卒其封內不地此何以地卒于會故地也未出其地故不言會也穀梁傳其地於外也其日未踰竟也○

冬十月癸酉衛侯鄭卒

胡傳

晉成公何以不葬魯不會也衛成公何以不葬魯不會也

謹而魯宣公獨深向齊衛欲為晉致魯故謀黑壤之會而特使孫良夫來盟以定之也及會于黑壤而晉人止公賂然後免是以扈之會皆前日諸侯而魯獨不往二國繼以喪赴亦皆不會此所謂無其事而闕其文者也或曰二君皆有貶焉故不書葬誤矣魯人不會亦無貶乎書卒而以私怨廢禮忘親其罪已見春秋文簡而直視人若日月之無私照也曲生意義失之遠矣

見音現

宋人圍滕

左傳因其喪也

胡傳

國非將卑師少所能辦也必動大眾而使之大夫為主帥明矣然而稱人

比毗志反

是賤之不暇而用兵革以圍之比事以觀弔恤之罪知見賤之罪在不仁矣

楚子伐鄭晉卻缺帥師救鄭

自是晉楚交伐鄭左傳楚子為

聲為去聲

厲之役故伐鄭晉卻缺救鄭鄭伯敗楚師于柳焚國人皆喜唯子良憂曰是國之災也吾

數音朔舍上聲為去聲

胡傳

楚兵加鄭數矣或稱人或稱爵何也鄭自晉成公初立舍楚而從中國正

也楚人為是興師而加鄭不義矣故宣公三年書人書侵罪之也次年鄭公子歸生

春秋左傳卷三

八

對齊

將去
音現

父音
甫夏
友雅
乙忠
潮音
乙反
潮音
下音

弒其君諸侯未有聲罪致討者而楚師至
焉故特書爵與之也然興師動衆賊則不
討惟服鄭之爲事則非義舉矣故又次年
傳稱楚子伐鄭而經書人再貶之也至是
稱爵豈與之乎按公羊例君將不言帥師
書其重者也至此書爵見其陵暴中華以
重兵臨鄭矣何以知其非與之乎曰下書
晉卻缺帥師救鄭則知其非與之也由此
觀春秋書法皆欲治亂賊之黨謹華
夷之辨以一字爲褒貶深切著明矣

陳殺其大夫洩冶

洩冶音也左傳
陳靈公與孔寧儀行父通

於夏姬皆衷其相服以戲于朝洩冶諫曰公
卿宣淫民無效焉且聞不令君其納之公曰
吾能改矣公告二子二子請殺之公弗禁遂
殺洩冶孔子曰詩云民之多辟無自立辟其
洩冶之謂乎穀梁傳稱國以殺其大夫夫殺無
罪也洩冶之無罪如何陳靈公通于夏徵舒

或衣
去聲
其衣
潮音

之家公孫寧儀行父亦通其家或衣其衣或
衷其襦以相戲於朝洩冶聞之入諫曰使國
人聞之則猶可使仁人聞之則不可
君愧於洩冶不能用其言而殺之

胡傳

也稱國以殺者君與用事大臣同殺之

夫音
扶當
去聲
潮音

有專輒之罪矣洩冶無罪而書各何也治
以諫殺身者名爲徵舒弒君楚子滅陳之
端以垂後戒此所謂義係於名而書其名
者也此干諫而死子曰商有三仁焉洩冶
諫而死何獨無褒詞夫語默死生當其可
而止爾洩冶之盡言無隱不愧乎史魚之
直矣方諸比干自靖自獻于先王則未可
同日而語也治雖效忠其猶在宋子哀魯
叔矜之後乎故仕於昏亂之朝若異姓者
如子哀絜身而去可也其貴
戚耶不食其祿如叔矜善矣

王定王十年晉景公孺元年齊惠十卒衛穆八年文十九陳靈十五弒杞桓三十鄭襄六曹八宋文十二秦桓六楚莊十五春公如齊公

至自齊

聲為去

聲分去

胡傳

此亦如齊亦致其至而不書月上九年夏使仲孫蔑如京師故特於歲首書王正月以著宣公之罪而君臣各分之際謹嚴如此也歸田以為私惠比於君臣各分之際則大小不侔矣

齊人歸我濟西田

宣公於齊順其所欲既以女妻其臣矣其言我何言我者未絕於我也曷為未絕于我齊已言取之矣其實未之齊也穀梁傳公娶齊齊由以為兄弟反之不言來公如齊受之也

胡傳

宣公於齊順其所欲既以女妻其臣矣其言我何言我者未絕於我也曷為未絕于我齊已言取之矣其實未之齊也穀梁傳公娶齊齊由以為兄弟反之不言來公如齊受之也

夏四月丙辰日有食之○已巳齊侯元卒○

齊崔氏出奔衛

左傳夏齊惠公卒崔杼有寵而逐之奔衛書曰崔氏非其罪也且告以族不以名凡諸侯之大夫違告於諸侯曰某氏之守臣其失守宗廟敢告所有王帛之使者則告不然則否公羊傳崔氏者何齊大夫也

杼音通 守音臣 失音守 如音字 使音去 聲

齊上 遺去 聲

其稱崔氏何貶曷為貶譏世卿世卿非禮也穀梁傳氏者舉族而出之辭也

胡傳

按左氏崔杼有寵於惠公高國畏其逼也公卒而逐之奔衛書曰崔氏以族奔也許翰以謂崔杼出而能反反而能弒者以其宗彊於此舉氏辨之早也其說得矣所謂譏世卿者非公羊本旨蓋門弟子因尹氏武氏補世卿而附益之於此爾經有事同而詞異亦有事異而詞同視之則泥而不通矣

公如齊

左傳公如齊奔喪

五月公至自齊

公如齊止此

胡傳

文約而事詳者經也春如齊朝惠公夏如齊奔其喪若是雖不致可也而皆致者甚之也天王之喪不奔欲行郊禮而汲汲於奔齊惠公之喪天王之葬不會使微者往而公孫歸父會齊惠公之葬其不顧君臣上下尊卑之等所謂肆人欲也

比去

天王之禮闕然莫之供也比事考辭義自見矣

晉人宋人衛人曹人伐鄭

左傳鄭及楚平諸侯之師伐鄭取成

而還

胡傳

按左氏鄭及楚平諸侯伐鄭取成而還令豈其罪乎不能以德鎮撫而用力爭之是謂五十步笑百步庸何愈於楚自是責楚益輕罪在晉矣

秋天王使王季子來聘

王聘止此左傳劉康公來報聘公羊傳王

季子者何天子之大夫也其稱王季子何貴也其貴奈何毋弟也穀梁傳其曰王季王子也其曰子尊也聘問也

好去聲朝音比去聲父音甫

將去聲

眞音顛

胡傳

公羊傳曰王季子者王之母弟也王國至是十年不朝于周而比年朝齊不奔王喪而奔齊侯喪不遣貴卿會匡王葬而使歸父會齊侯之葬縱未舉法勿聘焉猶可也而使王季子來王靈益不震矣自是王聘春秋亦不書矣

公孫歸父帥師伐邾取繹

繹公作蕪左傳師伐邾取繹

胡傳

用貴卿為主將舉大眾出征伐不施於亂臣賊子奉天討罪而陵弱侵小近在邦域之中附庸之國是為盜也當此時陳有弒君之亂既來赴告藏在諸侯之策矣曾不是圖而有事於邾不亦慎乎故四國伐鄭賤而稱人魯人伐邾特書取繹以罪之也

天理而無忌憚者也詞繁而不殺聖人之情見矣

癸巳陳夏徵舒弒其君平國

左傳陳靈公與孔寧儀行父飲

酒於夏氏公謂行父曰徵舒似女對曰亦似君徵舒病之公出自其廐射而殺之二子奔楚

胡傳

陳靈公之無道也而稱大夫之名氏以弒何也禍莫大於拒諫而殺直臣忠莫顯於身見殺而其言驗洩治所為不憚斧鉞盡言於其君者正謂靈公君臣通於夏徵舒之家恐其及禍不忍坐觀故昧死言之靈公不能納又從而殺之卒以見弒而亡其國此萬世之大戒也特書徵舒之名氏以見洩治忠言之驗靈公見弒之由使有國者必以遠色脩身包容狂直開納諫諍為心也以為罪不及民故稱大夫

見音現如去聲

洩音泄治音也

女音汝射音石

音現

以弒者非
經意矣

六月宋師伐滕

左傳滕人恃晉而不
事宋六月宋師伐滕

胡傳

前圍滕稱人刺伐喪也此伐滕稱師
譏用衆也宋大國爵上公霸主之餘

業力非不足也今鄰有弒逆不能聲罪致
討乃用大衆以伐所當矜恤之小邦且滕
不事已無乃已德猶有所闕而滕何尤焉
故特稱師以著其罪而汲汲於誅亂臣討
賊子之意見矣

公孫歸父如齊葬齊惠公

胡傳

歸父仲遂之子貴而有寵宣公深德
齊侯之能定其位而又以濟西田歸

之也故生則傾身以事之而不辭於屈
沒則親往奔喪而使貴卿會其葬亦不

見音

父音
南齊
上聲

大水○季孫行父如齊冬公孫歸父如齊

聘齊止此左傳季文子初聘
于齊冬子家如齊伐邾故也

胡傳

按左氏行父如齊初聘也歸父如齊
邾故也齊侯嗣立宣公親往奔其父

喪又使貴卿會葬矣若待逾年然後脩聘
未晚也而季孫亟行歸父繼往則以宣公
君臣不知為國以禮而謂妄說取人可以
免於討也歸父貪於取繹畏齊而往蓋理
曲則氣必餒矣能無畏乎哉春秋備
書而不削以著其罪為後世鑒也

齊侯使國佐來聘

左傳國武
子來報聘

胡傳

葬之速也太不懷也又未逾年而以
君命遣使聘于鄰國則哀戚之情忘

矣孟子曰養生不足以當大事惟送死可
以當大事滕文公五月居廬未有命戒及

父音

說音

使去
聲

頃平聲 幾去聲 平聲

至葬顏色之戚哭泣之哀弔者大悅而有願為其氓者蓋禮義人心之所同然也齊頃公嗣位之初舉動如此喪師失地幾見執獲豈特婦人笑客之罪哉已失守身之矣本

饑公羊傳何以重書也○楚子伐鄭左傳楚子伐鄭會救鄭逐

楚師于穎北諸侯之師成鄭

胡傳經有詞同而意異者比事以觀斯得之矣九年楚子伐鄭稱爵者貶詞也

若曰國君自將恃彊壓弱憑陵中夏之稱也知然者以下書晉卻缺帥師救鄭則貶楚可知矣此年楚子伐鄭稱爵者直詞也若曰以實屬辭書其重者而意不以楚為罪也知然者以傳書晉七會救鄭逐楚師于穎北而經削之則責晉可知矣此類

比去聲 將去聲 屬音 燭傳 去聲

以傳為案者也

附錄左傳鄭子家卒鄭人討幽公之亂斲子家之棺而逐其族改葬幽公諡之

靈曰

癸亥定王十有一年晉景二齊頃公無野元年衛穆二蔡文十四鄭襄七

曹文二十陳成公午元年杞桓三春王正月十九宋文十三秦桓七楚莊十六

○夏楚子陳侯鄭伯盟于辰陵穀作夷陵左傳春楚子伐

鄭及櫟子良曰晉楚不務德而兵爭與其來者可也晉楚無信我焉得有信乃從楚夏盟于辰陵陳鄭服也

胡傳晉楚爭此二國為日久矣今陳鄭背晉從楚盟于辰陵而春秋書之無貶

佩背音 烟焉音

少夫聲

奮音本度入聲

詞者豈與其下喬木入幽谷乎中國不能
令則夷狄進矣經之大法在誅亂臣討賊
子有亂臣則無君有賊子則無父無父無
君即中國變為夷狄人類殄為禽獸雖得
天下不能一朝居也今魯與齊方用兵伐
莒晉與狄方會于橫函而不謀少西氏之
逆也而楚人能謀之所謂禮失而求之野
夷狄之有君不如諸夏之亡也辰陵之盟
所以得書於經而詞無貶乎聖
人討賊之意可謂深切著明矣

附錄

左傳楚左尹子重侵宋王待諸郟令
尹蔦艾獵城沂使封人慮事以授司

徒量功命日分財用平板榦稱畚築程土
物議遠邇畧基趾具餼糧度有司事三旬
而成不愆于素

公孫歸父會齊人伐莒○秋晉侯會狄于欒

函

欒才端反左傳晉卻成子求成于衆狄衆
狄服也是行也諸大夫欲召狄卻成子曰吾

聞之非德莫如勤非勤何以求人能勤有繼
其從之也詩曰文王既勤止文王猶
勤况寡德乎殷梁傳不言及外狄也

胡傳

春秋正法不與夷狄會同分類也書

會戎會狄會吳皆外詞也內中國故
詳外四夷故畧今中國有亂天王不能討
則方伯之責也又不能討則四鄰諸侯宜
有請矣而魯方會齊伐莒晉方求成于狄
是失有背而養其一指不能三年而總小
功之察不亦慎乎凡此直書其
事不待貶絕而義自見者也

冬十月楚人殺陳夏徵舒

公羊傳此楚子也
其稱人何貶曷為

不與也雖內討亦不與也曷為不與實與而

僂音顛見音現

文不與文曷為不與諸侯之義不得專討也
諸侯之義不得專討則其曰實與之何上無
天子下無方伯天下諸侯有為無道者臣弑
君子弑父力能討之則討之可也穀梁傳此
入而殺也其不言入何也外徵舒於陳也丁
亥楚子入陳穀梁傳入者內弗受也日入惡
為中
國也

胡傳

同惡之惡去聲見音現傳為少並去音患

稱人者眾辭也大惡人人之所同惡
夏之罪自見矣按左氏傳楚子為夏氏亂
故謂陳人無動將討於少西氏遂入陳殺
徵舒轅諸栗門而經先書殺後書入者與
楚子之能討賊故先之也計其賊為義取
其國為貪舜跖之相去遠矣其分乃在於
善與利耳楚莊以義討賊勇於為善舜之

又復扶反

使去聲舍去聲與去聲與如下字

為去聲

納公孫寧儀行父于陳

寧公作甯左傳冬楚子為陳夏氏亂故伐

徒也以貪取國急於為利跖之徒矣為善
與惡特在一念須臾之間而書法如此故
春秋傳心之要典不可以不察者也或曰
聖人大改過楚雖縣陳能聽申叔時之說
而復封陳可謂能改過矣猶書入陳以貶
之何也曰楚莊意在滅陳雖復封之然鄉
取一人焉以歸謂之夏州而又納其亂臣
是制人之上使不得其君臣之道也晉
人以幣如鄭問駟乞之立故子產對曰若
寡君之二三臣而晉大夫專制其位是晉
之縣鄙也何國之為辭客幣而報其使晉
人舍之他國非所當與也而必欲納其亂
臣存亡興滅其若是乎仲尼重傷中國深
美其有討賊之功故特從末減不稱取陳
而書入雖曰與之可矣

少去聲 陳謂陳人無動將討於少西氏遂入陳殺夏

徵舒轅諸栗門因縣陳陳侯在晉申叔時使

於齊反復命而退王使讓之曰夏徵舒為不

道弑其君寡人以諸侯討而戮之諸侯縣公

乎王曰可哉曰夏徵舒弑其君其罪大矣討

而戮之君之義也抑人亦有言曰牽牛以蹊

人之田而奪之牛牽牛以蹊者信有罪矣而

奪之牛罰已重矣諸侯之從也曰討有罪也

今縣陳貪其富也以討召諸侯而以貪歸之

無乃不可乎王曰善哉吾未之聞也反之可

乎對曰可哉吾儕小入所謂取諸其懷而與

之也乃復封陳鄉取一人焉以歸謂之夏州

故書曰楚子入陳納公孫寧儀行父于陳書

有禮也公羊傳此皆大夫也其言納何納公

黨與也穀梁傳納者內弗受也輔人之不能

民而討猶可入人之國制人之

上下使不得其君臣之道不可

少去聲 陳謂陳人無動將討於少西氏遂入陳殺夏

胡傳 此二臣者從君於昏宣淫於朝誅

諸市朝與眾同棄然後快於人心今乃詭
辭奔楚託於討賊復讐以自脫其罪而楚
莊不能察其反覆又使陳人用之是猶人
有飲毒而死者幸而復生又疆以毒飲之
可乎故聖人外此二人於陳而特書曰納
納者不受而強納之者也為楚莊者宜奈
何溺徵舒之宮封洩冶之墓尸孔寧儀行
父于朝謀於陳眾定其君而去其庶幾乎

附錄

左傳厲之役鄭伯逃歸自是楚未得
志焉鄭既受盟于辰陵又徵事于晉

春秋四傳卷三

士廉

巡按福建監察
御史吉澄校刊

春秋四傳卷之二十

